



mobi

epub

fb2

pdf

Оригинал: pdf 55Мб

Искать в этой книге



Службы Страстной седмицы Великого Поста

◀ Служба во Святую и
Великую Пятницу

Служба во Святую и Великую Субботу

Послѣдование ўтрени

Священник: Благословѣн Бог наш, всегда, ныне, и присно, и во веки веков.

Чтец глаголет: Аминь.

И прочее начало ўтрени якоже обычай есть (зри сноску № 5).

По шестопсалмий ектений великая: Мѣром Господу помолимся.

И возглас: Яко подобает Тебѣ:

Лик: Аминь.

И начинают пѣти во глас 2, велегласно и со сладкопѣнием, на оба лика:

Бог Господь, и явися нам, благословѣн грядый во Имя Господне.

Стихи же глаголются сия:

Стих 1: Исповѣдайтесь Господеву, яко Благ, яко в век милость Его.

Стих 2: Обышедше обидоша мя, и именем Господним противляхся им.

Стих 3: Не умру, но жив буду, и повею дела Господня.

Стих 4: Камень, егоже небрегоша зѣждущии, сей бысть во главу угла: от Господа бысть сей, и есть дивен во очесех наших.

И по коемждо стихе поют: Бог Господь: (Единожды).

Посем поем тропарь, глас 2:

Благообразный Иосиф, с древа снем Пречистое Тѣло Твое, Плащаницею чистою обвив, и вонями во гробе нове покрыв положи.

Слава Отцу, и Сыну, и Святому Духу.

Егда снизшел еси к смерти, Животе Безсмертный, тогда ад умертвил еси блистанием Божества. Егда же и умершья от преисподних воскресил еси, вся Силы Небесныя взываху: Жизнодавче Христѣ Боже наш, слава Тебѣ.

И ныне и присно, и во веки веков. Аминь.

Миронóсицам жéнам, при грóбе предстáв А́нгел вопия́ше: мíра мёртвым суть прилiчна, Христóс же ислéния явiся чуждъ.

Во врéмя пéния тропарей священник исходит Цáрскими вратáми на середiну хрáма к Плащани́це и, взяв кади́ло, соверша́ет каждéние всего хрáма.

И начина́ем пети непорóчны со сладкопéнием, Та́кожде по стиху, и похвалы́ возглаша́ет певец, во глас 5:

Благословéн еси́, Го́споди, научи́ мя оправдáнием Твои́м.

Статиá пёрвая

Блажéни непорóчни в путь, ходя́щие в за́коне Госпо́дни.

И похвалы́, во глас 5:

Жизнь во грóбе положи́лся еси́, Христé, и а́нгельская во́инства ужа́сахуся, снизхождéние сла́вяще Твоé.

Блажéни испытáющие свидéния Егó, всем сёрдцем взы́щут Егó.

Животé, кáко умира́еши? Кáко и во грóбе обита́еши? Смёрти же Цáрство разруша́еши, и от ада мёртвыя возста́вляеши?

Не дéлающие бо беззакóния, в путéх Егó ходи́ша.

Велича́ем Тя, Иису́се Царю́, и чтем погребéние и страдáния Твоя́, и́миже спасл еси́ нас от ислéния.

Ты заповéдал еси́ за́поведи Твоя́ сохрани́ти зело́.

Ме́ры земли́ положи́вый, в ма́лом обита́еши, Иису́се Всецарю́, грóбе Днесь, от гробóв мёртвыя возста́вляй.

Да бы испрáвились путиé мой, сохрани́ти оправдáния Твоя́.

И Иису́се Христé мой, Царю́ всех, что ища к сущым во áде пришéл еси́? Или́ род отрешíти челове́ческий?

Тогда́ не постыжуся, внегда́ призрéти ми на вся за́поведи Твоя́.

Владыка́ всех зрiтся мертв, и во грóбе нóвем полага́ется, истощiвый грóбы мёртвых.

Исповéмся Тебé в правости сёрдца, внегда́ научíти ми ся судьбам правды Твоея́.

Животé во грóбе положи́лся еси́, Христé: и смёртию Твоею́ **смерть** погуби́л еси́, и источи́л еси́ мiрови жизнь.

Оправдáния Твоя́ сохраню́, не оста́ви менé до зела.

Со злодéи я́ко злодéй, Христé, вмени́лся еси́, оправда́я нас всех от злодéйства дрéвняго запинателя.

В чесóм испрáвит юнéйший путь свой? Внегда́ сохрани́ти словеса́ Твоя́.

Кра́сный добрóтою пáче всех челове́к, я́ко беззра́чен мертв явля́ется, естество́ украсiвый всех.

Всем сёрдцем мои́м взыска́х Тебé, не отри́ни менé от за́поведей Твои́х.

Ад како стерпит, Спасе, пришествие Твое, а не паче болѣзнет омрачаемъ, блистания Свѣта Твоего зарею ослепленъ.

В сердце моемъ скрыхъ словеса Твоя, яко да не согрешу Тебѣ.

Иисусе, Сладкий мой и спасительный Свѣте, во гробѣ како темномъ скрылся еси? О несказаннаго и неизреченнаго терпѣния!

Благословенъ еси, Господи, научи мя оправданиемъ Твоимъ.

Недоумеваетъ и естество умное, и множество безплотное, Христѣ, таинства несказаннаго и неизреченнаго Твоего погребѣния.

Устнама моима возвестихъ вся судьбы уст Твоихъ.

О чудесъ странныхъ! О вещей новыхъ! Дыханія моего Податель бездыханенъ носится, погребаемъ рукама Иосифовыма.

На пути свидѣний Твоихъ насладихся, яко о всякомъ богатствѣ.

И во гробъ зашелъ еси, и недръ, Христѣ, Отческихъ никакоже отлучился еси: сие странное и преславное купно.

В заповѣдехъ Твоихъ поглумлюся, и уразумѣю пути Твоя.

Истинный Небесѣ и земли Царю, аще и во гробѣ малѣйшей заключился еси, познался еси всей твари, Иисусе.

Во оправданіихъ Твоихъ поучуся, не забуду словесъ Твоихъ.

Тебѣ положѣну во гробѣ. Создателю Христѣ, адская подвижашася основанія, и гроби отверзашася человекомъ.

Воздаждь рабу Твоему, живи мя, и сохрани словеса Твоя.

Землю Содержай дланию, умерщвленъ плотию, подъ землею нынѣ содержитсяъ, мертвыя избавляя адова содержанія.

Открый очи мои, и уразумѣю чудеса отъ закона Твоего.

Изъ истлѣнія возшелъ еси Животѣ, Спасе мой, Тебѣ умершу, и к мертвымъ пришедшу, и сломившу адовы верей.

Пришлецъ азъ есмь на земли, не скрый отъ Мене заповѣди Твоя.

Якоже свѣта Светильникъ, нынѣ плоть Божія, подъ землю яко подъ спудъ крыется, и отгоняетъ сущую во аде тьму.

Возлюбѣ душѣ моя возжелати судьбы Твоя на всякое время.

Умныхъ стекается воинствъ множество со Иосифомъ и Никодимомъ, погребсти Тя неуместимаго во гробѣ малѣ.

Запретилъ еси гордымъ, прокляти уклоняющийся отъ заповѣдей Твоихъ.

Умерщвленъ волю, и положенъ подъ землею, Жизноточе Иисусе мой, оживилъ еси умерщвлена мя преступлениемъ горькимъ.

Отыми отъ Мене поносъ и униженіе, яко свидѣний Твоихъ взыскахъ.

Изменяшеся вся тварь страстию Твоею, вся бо Тебѣ, Словѣ, сострадаху, Содержителя Тя ведуще всехъ.

Ибо седоша князи, и на мя клеветáху: раб же Твой глумляшеся во оправдáниях Твои́х.

Животá Камень во чре́ве прие́м ад всея́дец изbleвá, от вéка я́же поглоти́ мёртвыя.

И́бо свидéния Твоя́ поучéние моё́ есть, и совéти мой оправдáния Твоя́.

Во грóбе нóве положился еси́, Христé, и естество́ челове́ческое обновил еси́, воскрес благоле́пно из мёртвых.

Прильпé земли́ душá моя, живи́ мя по словеси́ Твоему́.

На зéмлю сшел еси́, да спасéши Адама, и на земли́ не обрéте сего́, Влады́ко, да́же до ада снизшéл еси́ ища́й.

Пути́ моя возвестíх, и услы́шал мя еси́, научи́ мя оправдáнием Твои́м.

Сотрясéся страхом, Сло́ве, вся зéмля, и денница́ лучы́ скры, велича́йшему в земли́ сокровéнному Твоему́ свéту.

Пу́ть оправдáний Твои́х вразуми́ ми, и поглумлю́ся в чудесéх Твои́х.

Я́ко человеќ у́бо умира́еши волею́, Спа́се, я́ко Бог же смёртныя возста́вил еси́ от гробóв, и глубины́ грехóвныя.

Воздрема́ душá моя от уны́ния, утверди́ мя в словесéх Твои́х.

Слезотóчная рыдáния на Тебé, Чистая, Мáтерски, о Иисýсе, накрапля́ющи вопия́ше: кáко погребу́ Тя, Сы́не?

Пу́ть непра́вды отста́ви от Мене́, и зако́ном Твои́м помилуй́ мя.

Я́коже пшени́чное зёрно, заше́д в нéдра земна́я, многопéрстный возда́л еси́ клас, возста́вив челове́ки, я́же от Ада́ма.

Пу́ть и́стины изво́лих, и судьбы́ Твоя́ не забых.

Под зéмлею скры́лся еси́ я́ко со́лнце ны́не, и но́щию смёртною покровéн был еси́, но возсия́й светлéйше, Спа́се.

Прилепи́хся свидéнием Твои́м, Го́споди, не посрами́ мене́.

Я́коже со́лнечный круг, луна́, Спа́се, сокрывáет, и Тебé ны́не гроб скры, скончáвшагося смёртию́ плóтски.

Пу́ть за́поведей Твои́х текóх, егда́ расшири́л еси́ сéрдце моё́.

Живóт смёрти вкусíвый Христóс, от смёрти смёртныя свободи́, и всем ны́не дáрует живóт.

Законоположи́ мне, Го́споди, пу́ть оправдáний Твои́х и взыщу́ и вы́ну.

Умерщвлéна дрéвле Ада́ма зависти́но, возводи́ши к животу́ умерщвлéнием Твои́м, нóвый, Спа́се, во плóти явля́йся Ада́м.

Вразуми́ мя, и испытáю закóн Твой, и сохраню́ и́ всем сéрдцем мои́м.

У́мнии тя чини, простérта мёртва зря́ще нас ра́ди, ужаса́хуся, покрывáеми крилы́, Спа́се.

Настáви мя на стезю́ за́поведей Твои́х, я́ко тую́ восхотéх.

Снем тя, Сло́ве, от дре́ва ме́ртва, во грóбе Ио́сиф ны́не положи́, но воста́ни спаса́яй вся я́ко Бог.

Приклони́ се́рдце моё во свидéния Твоя́, а не в лихоймство.

А́нгельская, Спа́се, ра́дость быв, ны́не и печа́ли сим был еси́ вино́вен, ви́дим плóтию бездыхáнен мертв.

Отврати́ о́чи мой, е́же не ви́дети суе́ты, в путі Твоём живи́ мя.

Возне́слся еси́ на дре́ве, и живу́щия челове́ки совозно́сиши: под землёю же быв, лежа́щия под нею воскрешáеши.

Поста́ви рабу Твоему́ сло́во Твоё в страх Твой.

Я́коже лев, Спа́се, уснув плóтию, я́ко не́кий скімен мертв воста́еши, отложив ста́рость плотску́ю.

Отыми́ поноше́ние моё, е́же непщева́х, я́ко судьбы Твоя́ благи.

В ре́бра прободён был еси́, ребро́ взёмый Адамле, от него́же Ёву созда́л еси́, и источи́л еси́ то́ки чистітельныя.

Се возжела́х за́поведи Твоя́, в пра́вде Твоёй живи́ мя.

Та́йно у́бо дре́вле жре́тся А́гнец, Ты же я́ве жрен быв, Незло́биве, всю тварь очисти́л еси́, Спа́се.

И да приидет на мя ми́лость Твоя́, Го́споди, спасéние Твоё по словеси́ Твоему́.

Кто́ изрече́т о́браз стра́шный войстинну но́вый? Влады́чествуяй бо тва́рию, Днесь страсть прие́млет, и умира́ет нас ра́ди.

И отвеща́ю поноша́ющим ми сло́во: я́ко упова́х на словеса́ Твоя́.

Живота́ Сокро́вище, ка́ко зрится ме́ртвый, ужа́сающеся а́нгели взыва́ху? Ка́ко же во грóбе заключа́ется Бог?

И не отыми́ от уст мо́их словесе́ істинна до зела, я́ко на судьбы́ Твоя́ упова́х.

Копи́ем прободённого, Спа́се, из ребра Твоего́, живо́т животом из живота́ спа́сшаго мя иска́паеши, и живи́ши мя с ним.

И сохра́ню за́кон Твой вѣну, в век и в век ве́ка.

Распростёрт на дре́ве, собра́л еси́ челове́ки: в ре́бра же прободён, животóчное всем оставле́ние источáеши, Иису́се.

И хо́ждах в широтé, я́ко за́поведи Твоя́ взысках.

Благообра́зный, Спа́се, образу́ет стра́шно, и погреба́ет Тя я́ко ме́ртва благообра́зно, и ужа́сается Твоего́ образа стра́шнаго.

И глаго́лах о свидéниях Твои́х пред ца́рі, и не стыдя́хся.

Под землёю хотéнием низше́д я́ко мертв, возво́диши от земли́ к небéсным оттúду па́дшыя, Иису́се.

И поуча́хся в за́поведех Твои́х, я́же возлюбѣх зело́.

А́ще и мертв ви́ден был еси́, но живы́й я́ко **Бог** возво́диши от земли́ к небéсным оттúду па́дшыя, Иису́се.

И воздвигóх рúце мой к заповедем Твоим, яже возлюбих.

А́ще и мертв вíден был есí, но жив яко Бог, умерщвлénный челове́ки оживи́л есí, моего́ умертви́в умертвítеля.

И глумля́хся во оправда́ниях Твоих.

О, радости, óныя! О, мно́гия сла́дости! Ихже во áде напóлнил есí, во днах мра́чных свет возсия́в.

Помяни́ словеса Твоя́ рабу Твоему́, ихже упова́ние дал ми есí.

Покланя́юся стра́сти, воспева́ю погребéние, велича́ю Твою́ держа́ву, Человеколю́бче, и́миже свободи́хся страсте́й тлетво́рных.

То мя утéши во смире́нии моём, яко сло́во Твое́ живи́ мя.

На Тя меч обнажи́ся, Христé, и меч крéпкого ўбо притупля́ется, и меч же обраща́ется Еде́мский.

Го́рдии законопреступова́ху до зела́, от зако́на же Твоего́ не уклони́хся.

А́гница А́гнца зря́щи в заколе́нии, остри́ем пробода́ема рыда́ше, сподви́гши и ста́до вопи́ти.

Помяну́х судьбы́ Твоя́ от ве́ка, Го́споди, и утéшихся.

А́ще и во грóбе погребáешися, áще и во ад и́деши; но и грóбы истощи́л есí, и ад обнажи́л есí, Христé.

Печáль при́ят мя от грéшник, оставля́ющих зако́н Твой.

Волею снизше́л есí, Спа́се, под зéмлю, умерщвлénный челове́ки оживи́л есí, и возве́л есí во сла́ве О́тчей.

Пе́та бяху мнé оправда́ния Твоя́ на ме́сте прише́льствия моего́.

Трои́цы Еди́н во плóти нас ра́ди понóсную претерпе́ смерть, ужаса́ется же со́лнце, и трепéщет зéмля.

Помяну́х в но́щи И́мя Твое́, Го́споди, и сохрани́х зако́н Твой.

Я́ко от исто́чника го́рькаго, Иудова колéна исча́дия в ро́ве положи́ша, пита́теля маннода́вца Иису́са.

Сей бысть мне, яко оправда́ний Твоих взысках.

Судия́ яко суди́мь пред Пилáтом суди́ею, и предста́, и сме́ртию непра́ведною осужде́н бысть, дре́вом крéстным.

Часть моя́ есí, Го́споди, Рех сохрани́ти зако́н Твой.

Го́рдый Изра́илю, убийственнии лю́дие, что пострада́вшие, Варáвву свободи́сте, и Спа́са преда́сте Кресту́?

Помоли́хся лицу́ Твоему́ всем се́рдцем моим, поми́луй мя по словеси́ Твоему́.

Руко́ю Твое́ю созда́вый Ада́ма от зéмли, того́ ра́ди естество́м был есí Чело́век, и распя́лся есí волею Твое́ю.

Помыслих пу́ти Твоя́, и возврати́х но́зе мой во свидéния Твоя́.

Послушав, Сло́ве, Отца́ Твоего́, да́же до áда лю́таго соше́л есí, и воскреси́л

еси́ род челове́ческий.

Угото́вихся, и не смуті́хся сохра́нити за́поведи Твоя́.

Увы́ мне, Све́те міра, увы́ мне, Све́те Мой, Иису́се Мой возжелённый, вопія́ше Де́ва, рыда́ющи го́рько взыва́ше.

У́жя грёшник обяза́шася мне, и зако́на Твоего́ не забывх.

Зави́стливи́и, уби́йственни́и и го́рдии лю́дие, понё плащани́цы и сударя́ Самаго́ да стыдятся, воскрёсшу Христу́.

Полу́нощи воста́х, испове́датися Тебе́ о судьба́х пра́вды Твоея́.

Прииди́ убо, скве́рный уби́йце учени́че, и нрав зло́бы Твоея́ покажи́ ми, їмже был еси́ преда́тель Христо́в.

Прича́стник аз есмь́ всем бо́ящимся Тебе́, и храня́щим за́поведи Твоя́.

Я́ко Человеколю́бив не́кто притворя́ешися бу́е, и сле́пе всегуби́тельнейши́й, неве́рный, міро прода́вый на цене́.

Ми́лости Твоея́, Го́споди, испо́лнь земли́, оправда́нием Твои́м научи́ мя.

Небе́снаго міра кую́ имёл еси́ це́ну многоце́ннаго? Ко́е прия́л еси́ противосто́йное; неїстовство о́брёл еси́ прокля́тейши́й сатано́.

Бла́гость сотвори́л еси́ с рабо́м Твои́м, Го́споди, по словеси́ Твоему́.

А́ще нищелю́бец еси́, и о міре печа́луеши исто́щаемом во очище́ние душі́, ка́ко на зла́те прода́еши светоза́рна?

Бла́гости, и наказа́нию и ра́зуму научи́ мя, я́ко за́поведем Твои́м ве́ровах.

О, Бо́жий Сло́ве! О, ра́досте моя́! Ка́ко претерплю́ тридне́вное Твое́ погребё́ние? Ны́не терза́юся ут́робою ма́терски.

Пре́жде да́же не сми́рити ми ся, аз прегреши́х, сего́ ра́ди сло́во Твое́ сохра́них.

Кто́ даст Ми воду́ и слез исто́чники, Богоневёстная Де́ва взыва́ше: да воспла́чу сла́дкаго Ми Иису́са.

Благ еси́ Ты, Го́споди, и бла́гостию Твоею́ научи́ мя оправда́нием Твои́м.

О го́ры и хо́лми, и челове́ков мно́жества воспла́чители, и вся рыда́йте со Мно́ю Бо́га вашего Ма́терию.

Умно́жися на мя непра́вда го́рдых, аз же всем се́рдцем мои́м испыта́ю за́поведи Твоя́.

Когда́ ви́жду Тя, Спа́се, безле́тнаго Све́та, ра́дость и сла́дость се́рдца моего́? Де́ва го́рько вопія́ше.

Усы́рися я́ко млеко́ се́рдце их, аз же зако́ну Твоему́ поучи́хся.

А́ще и я́ко ка́мень, Спа́се, краесекóмый, Ты прия́л еси́ сече́ние, но источи́л еси́ живу́ю струю́, я́ко Исто́чник сы́й жи́зни.

Бла́го мне, я́ко сми́рил мя еси́, я́ко да научу́ся оправда́нием Твои́м.

Я́ко от исто́чника еди́наго сугу́бою реко́ю ребро́м Твои́м излива́ющим

напоيًاющеся, безсмертную приобретаем жизнь.

Благ мне закон уст Твоих, паче тысяч злата и сребра.

Волею явился еси, Слове, во гробе мертв, но живѣши, и человеки, якоже предрѣкл еси, воскресѣнием Твоим, Спасе мой, воздвизаѣши.

Слава Отцу, и Сыну, и Святому Духу.

Воспеваем, Слове, Тебѣ, всех Бога, со Отцем и Святым Твоим Духом, и славим Божественное Твое погребѣние.

И ныне, и присно, и во веки веков. Аминь.

Блажим Тя, Богородице Чистая, и почитаем тридневное погребѣние Сына Твоего, и Бога нашего верно.

И паки первый припев оба лика вкупе:

Жизнь во гробе положился еси, Христѣ, и Ангельская воинства ужасхуся, снисхождѣние славяще Твое.

Ектенія малая: Паки и паки:

И возглас священника: Яко благословися Твое Имя, и прославися Твое Царство, Отца, и Сына, и Святаго Духа ныне, и присно, и во веки веков.

Лик: Аминь. И начинаем вторую статью, за еже священнику совершати каждѣние малое (Плащаницы, иконостаса, предстоящих).

Статья вторая

Вторый лик поет со сладкопѣнием тропарь:

Достойно есть величати Тя Жизнодавца, на Крестѣ руке простершаго, и сокрушшаго державу вражю.

Руке Твоей сотвориште мя, и создаете мя; вразуми мя, и научуся заповедем Твоим.

Достойно есть величати Тя, всех Зиждителя; Твоими бо страданьиими имамы безстрастие, избавльшеся тлѣния.

Боящиися Тебѣ узрят мя и возвеселятся, яко на словеса Твоя уповах.

Ужасѣя земля, и солнце, Спасе, скрѣся, Тебѣ Невечернему Свету, Христѣ, зашедшу во гробе плоти.

Разумех, Господи, яко правда судьбы Твоя, и воистинну смирил мя еси.

Уснул еси, Христѣ, естествоживотным сном во гробе, и от тяжкаго сна греховнаго воздвигл еси род человеческий.

Буди же милость Твоя, да утѣшит мя по словеси Твоему рабу Твоему.

Едина жен кроме болезней родих Тя, Чадо, болезни же ныне терплю страсти Твоею нестерпимыя, глаголаше Чистая.

Да придут мне щедроты Твоя, и жив буду, яко закон Твой поучѣние мое есть.

Горе Тя, Спасе, неразлучно со Отцем суша, доле же мертва простерта на земли ужасаются зряще Серафими.

Да постыдятся гордии, яко неправедно беззаконноваша на мя, аз же поглумлюся в заповедех Твоих.

Раздирается церковная завеса Твоим распятием, покрывают светила, Слове, свет, Тебе скрывшуся солнцу под землю.

Да обратят мя боящиеся Тебе, и ведящие свидения Твоя.

Земли из начала едином манием водрузивый круг бездыханен, яко человек, зайде под землю: ужаснися видением неба.

Буди сердце мое непорочно во оправданиях Твоих, яко да не постыжуся.

Зашел еси под землю, рукою Твоею создавший человека, да воздвигнеша от падения соборы человеческия всеильною державою.

Исчезает во спасение Твое душа моя, на словеса Твоя уповах.

Плач священный приидите воспойм Христу умершему, яко древле жены мирносицы, да и радуйся услышим с ними.

Исчезоша очи мои в слово Твое, глаголюще: когда утетиши мя?

Миро войстинну еси Ты, Слове, неистощимое: темже Ти и мира приношаху, яко мертву живому, жены мирносицы.

Зане бых яко мех на слане, оправданий Твоих не забых.

Адова убо погребен Царствия, Христэ, сокрушаеши, смертию же **смерть** умерщвляеши, и тления свободяеши земнородныя.

Колико есть дней раба Твоего? Когда сотвориши ми от гонящих мя суд?

Токи жизни проливающая Божия Премудрость, во гроб заходящи животворит сущия, в незаходимых адовых местах.

Поведаша мне законопреступницы глумления, но не яко закон Твой, Господи.

Да человеческое обновлю сокрушенное естество, уязвлен есмь смертию хотя плотию, Мати Моя, не терзайся рыданиями.

Вся заповеди Твоя истина, неправедно погнаша мя, помози ми.

Зашел еси под землю Светоносец правды, и мертвыя якоже от сна воздвигл еси, отгнав всякую тьму сущую во аде.

Вмале не скончаша мене на земли: аз же не оставих заповедей Твоих.

Зерно двоерасленное, естественножизненное, в бока земная сеется со слезами Днесь: но прозябше, мир радостносотворит.

По милости Твоей живи мя, и сохраню свидения уст Твоих.

Убойся Адам, Богу ходящу в рай, радуется же ко аду сошедшу, падый прежде, и ныне воздвизаемь.

Во век, Господи, слово Твое пребывает на Небеси.

Жрет Тебе жертвы слезныя Родшая Тя, Христэ, плотию положену во гробе, вопиючи: востани, Чадо, якоже предрекл еси.

В род и род истина Твоя, основал еси землю и пребывает.

Во гробе Иосиф благоговейно Тя новем сокрывая, песни исходныя благолепныя поёт Тебе, смешёныя рыдаными, Спасе.

Учинением Твоим пребывает день, яко всяческая работна Тебе.

Гвоздьми Тя Кресту пригвождена, Мати Твоя, Слове, зрящи, гвоздьми печали горькия пронзает, и стрёлами душу.

Яко аще бы не закон Твой поучение моё был, тогда убо погибл бых во смирении моём.

Тя всех Наслаждение Мати зрящи, питием напаяема горьким, слезами лице омакает горце.

Во век не забуду оправданий Твоих, яко в них оживил мя еси.

Уязвляюся люте, и растерзаюся утробой, Слове, зрящи неправедное Твоё заклёние, глаголаше Пречистая с плачем.

Твой есмь аз, спаси мя, яко оправданий Твоих взысках.

Око сладкое, и устне Твой како заключу, Слове? Како же Тя мертволёпно погребу? Ужасаюся, вопияше Иосиф.

Менё ждаша грёшницы погубити мя, свидения Твоя разумех.

Песни Иосиф и Никодим надгробныя поют Христу умершему ныне, поют же с ними и Серафими.

Всякия кончины видех конёц, широка заповедь Твоя зело.

Заходиши под землю, Спасе, Солнце правды; темже рождающая Тя Луна печальми оскудевает, вида Твоего лишаяма.

Коль возлюбих закон Твой, Господи, весь день поучение моё есть.

Ужасёся ад, Спасе, зря Тя Жизнодавца, богатство онаго упражняюща, и яже от века мёртвыя возстаवляюща.

Паче враг моих умудрил мя еси заповедию Твоею, яко в век моя есть.

Солнце свет возсиявает по нощи, Слове, и Ты же воскрес, просиявшеши по смерти ясно, яко от чертога.

Паче всех учащих мя разумех, яко свидения Твоя поучение моё есть.

Земля Тя, Создателю, в недра приёмши, трепетом содержи́ма, Спасе, трясётся, успивши мёртвыя трясением.

Паче старец разумех, яко заповеди Твоя взысках.

Миры Тя, Христё, Никодим и Благообразный, ныне новолёпно помазующе, ужаснися, вопияху, вся земля.

От всякаго пути лукава возбраних ногам моим, яко да сохраню словеса Твоя.

Зашёл еси, Светотворче, и с Тобою зайде свет солнца: трепетом же тварь содержится, всех Тя проповедающе Творца.

От судьб Твоих не уклонихся, яко Ты законоположил ми еси.

Камень углаждённый краеугольный покрывает камень, человек же смертный,

яко смёртна Бóга, покрывáет ны́не во грóбе: ужасн́йся, земл́е.

Коль сладка́ гортáни Моемú словеса Твоя́, пáче мéда устóм мо́йм.

Виждь ученика́, егóже люб́ил еси́, и Твою́ Мáтерь, Чáдо, и вещáние даждь сладча́йшее, взывáше пла́чущи Ч́истая.

От заповедей Тво́их разумéх, сего́ рáди возненав́идех всяк Путь непра́вды.

Ты, Слове, я́ко сый животá дáтель, иудео́в, на Крестé простры́йся, не умертв́ил еси́, но воскрес́ил еси́ и сих мёртвыя.

Свети́льник ногáма мо́йма за́кон Твой, и свет стезя́м мо́йм.

Добро́ты, Слове, прэ́жде не имéл еси́, ниже́ ви́да, егда́ страдал еси́: но воскрэ́с провозсия́л еси́, удобри́в челове́ки Божéственными заря́ми.

Кля́хся, и поста́вих, сохра́нити судьбы́ пра́вды Твоея́.

Зашéл еси́ плóтию в зéмлю Невечéрний Светонóсец, и не терпя́ зрéти со́лнце помер́че, полúдни ещё́ сущу́.

Смири́хся до зела́, Го́споди, живи́ мя по словеси́ Твоемú.

Со́лнце вку́пе и луна́ помер́кше, Спа́се, рабо́м благо́разумным образова́хся, и́же в чéрныя оде́жды облача́тся.

Во́льная уст мо́их благово́ли же Го́споди, и судьба́м Тво́им научи́ мя.

Ви́де Тя, Бóга, со́тник, áще и умертв́ился еси́, ка́ко Тя úбо, Бо́же мой, осяжу́ рука́ма; ужаса́юся, вопия́ше Ио́сиф.

Душа́ моя в руку́ Твоею́ вы́ну, и за́кона Твоего́ не забы́х.

Уснú Ада́м, но **смерть** из ребр изво́дит: Ты же ны́не усну́л еси́, Сло́ве Бо́жий, источа́еши от ребр Тво́их ми́рови жизнь.

Положи́ша грéшницы сеть мне, и от за́поведей Тво́их не заблуди́х.

Уснúл еси́ ма́ло, и оживи́л еси́ умер́шья, и воскрэ́с, воскрес́ил еси́ спя́щья от ве́ка, Бла́же.

Наслéдовах свидéния Твоя́ во век, я́ко ра́дование се́рдца моего́ суть.

Взя́т еси́ от земли́, но источи́л еси́ спасéния вино́, живото́чная лозó: просла́вляю страсть и Крест.

Приклони́х се́рдце моé, сотвори́ти оправда́ния Твоя́ в век за воздая́ние.

Ка́ко úмная чинонача́лия Тя, Спа́се, пою́т, на́га, окрова́влена, осужде́на, терпя́ща дёрзость распина́телей?

Законопресту́пныя возненав́идех, за́кон же Твой возлюб́их.

Обруче́нный, стрóпотнейший ро́де евре́йский, ве́дал еси́ воздв́ижение хра́ма, почто́ осуди́л еси́ Христа́?

Помо́щник мой и Засту́пник мой еси́ Ты, на словеса́ Твоя́ упова́х.

Во оде́жду поругáния, украси́теля всех облека́еши, и́же не́бо утверди́, и зéмлю украси́ чу́дно.

Уклони́теся от Мене́ лука́внующии, и испы́таю за́поведи Бóга моего́.

Якоже неясить уязвлен в рѣбра Твоя, Слове, ѓтроки Твоя умѣршыя оживил еси, искапав животныя им токи.

Заступи мя по словеси Твоему, и жив буду, и не посрами мене от чаяния моего.

Солнце прежде устави Иисус, иноплемѣнники секий: Ты же скрылся еси, низлагая тьмы начальника.

Помози ми, и спасуся, и поучуся во оправданиих Твоихъ вину.

Недр отѣческих неисходен пребыв, Щѣдре, и человекъ быти благоволил еси, и во ад снизшел еси, Христѣ.

Уничжил еси вся отступающыя от оправданий Твоихъ, яко неправедно помышление ихъ.

Взятся распныйся, Иже на водахъ зѣмлю повѣшей, и яко бездыханен в ней ныне возлегаетъ: яже не терпящи трясаешся люте.

Преступающыя непщеваяхъ вся грѣшныя земли, сего ради возлюбихъ свидѣния Твоя.

Увы Мне, о Сыне! Неискусомужная рыдаше глаголющи: Егѣже бо яко царя надеяся, осуждена зрю ныне на Крестѣ.

Пригвозди страху Твоему плоти моя, от судѣбъ бо Твоихъ убояхся.

Сия Гавриилъ мне возвести, егда слетѣ, иже Царство вѣчное речѣ, Сына Моего Иисуса.

Сотворихъ суд и правду, не предаждь мене обидящимъ мя.

Увы, Симеоново совершися прорѣчество: Твой бо меч пройде сердце Моѣ, Еммануиле.

Восприими раба Твоего во благо, да не оклеветаютъ мене горди.

Понѣ сущихъ от мѣртвыхъ постыдитесь, о иудѣе! Ихже Животодавецъ возстави, Егѣже вы убисте завѣстно.

Очи мои исчезосте во спасѣние Твое, и в слово правды Твоея.

Ужасѣся видѣвшее Невидимый Свѣте, Тебѣ, Христѣ мой, во грѣбе сокрываема, бездыханна же, и помрачи солнце светъ.

Сотвори с рабомъ Твоимъ по милости Твоей, и оправданиемъ Твоимъ научи мя.

Плакаше горько Пренепорѣчная Мати Твоя, Слове, егда во грѣбе виде Тебѣ неизреченнаго и безначальнаго Бѣга.

Рабъ Твой есмь азъ, вразуми мя, и увѣмъ свидѣния Твоя.

Мѣртьвость Твою, нетлѣнная, Христѣ, Мати Твоя зрящи, горько к Тебѣ вещаше: не косни, Животѣ, в мѣртвыхъ.

Время сотворити Господеви, разорѣша законъ Твой.

Ад лютый потрепетѣ, егда Тя виде солнце славы, Безсмертне, и издаваше юзники тщательно.

Сего ради возлюбихъ заповѣди Твоя, паче злата и топазѣя.

Вѣлие и ужасное видѣние ныне зрѣтся, животá сый винóвный, **смерть** подъя́т, оживѣти хотѣ́ всех.

Сего́ ра́ди ко всем за́поведем Твои́м направля́хся, всяк путь непра́вды возненави́дех.

Пробода́ешися в ре́бра, и пригвожда́ешися, Влады́ко, рука́ми, я́зву от ребра́ Ты исцеля́я, и невоздержáние рук праотѣ́ц.

Дѣвна свидѣ́ния Твоя́, сего́ ра́ди испытá я душá моя́.

Пре́жде Рахи́лина сы́на пла́каше всяк ѵ́же в дому́, и Сы́на Дѣвыя рыда́ху учени́к лик с Ма́терию.

Явлѣ́ние словѣ́с Твои́х просвещáет и вразумля́ет младѣ́нцы.

Ударѣ́ние рук да́ша Христóвой ланѣ́те, руко́ю челове́ка созда́вшего, и чѣлюсти звѣ́ря сокру́шившаго.

Уста́ моя отверзо́х, и привлеко́х дух, я́ко за́поведей Твои́х желех.

Пѣ́сньми Твоѣ́, Христѣ́, ны́не распя́тие и погребѣ́ние, вси вѣ́рнии прáзднуем, избáвльшеся смѣ́рти погребѣ́нием Твои́м.

Сла́ва Отцú, и Сы́ну, и Святóму Дúху.

Безнача́льне Бо́же, Соприсносу́щне Сло́ве, и Ду́ше Святýй, укрепи́ на рáтныя, я́ко благ.

И ны́не и прѣ́сно, и во вѣ́ки веко́в. А ми́нь.

Жизнь ро́ждшая, Пренепоро́чная Чѣ́стая Дѣ́во, утоли́ церко́вныя собла́зны, и пода́ждь мир я́ко Благáя.

И па́ки пѣ́рвый припѣ́в о́ба ли́ка вкúпе:

Досто́йно есть велича́ти Тя Жизнода́вца, на Крестѣ́ рúце простѣ́ршаго, и сокру́шшаго держа́ву вра́жию.

Ектениá ма́лая: Па́ки и па́ки:

И возгласъ свящѣ́нника: Я́ко Свят еси́, Бо́же наш, Ъ́же на престóле сла́вы херувѣ́мстем почивáяй, и Тебѣ́ сла́ву возсыла́ем, со Безнача́льным Твои́м Отцѣ́м, и с Пресвяты́м, и Благѣ́м, и Животворя́щим Твои́м Дúхом ны́не, и прѣ́сно, и во вѣ́ки веко́в.

Лик: Ами́нь.

И начина́ем трѣ́тью стати́ю, за ѣ́же свящѣ́ннику соверша́ти кажде́ние малое.

Статиá трѣ́тия

Пѣ́рвый лик поѣ́т со сладкопѣ́нием, во глас 3:

Роди́ вси песнь погребѣ́нию Твоему́ прино́сят, Христѣ́ мой.

При́зри на мя и помѣ́луй мя, по суду́ любя́щих Ъ́мя Твоѣ́.

Снем с дрéва ѵ́же от Аримафе́а, плащани́цею обвѣ́в во грóбе Ты погребáет.

Стопы́ моя напра́ви по словеси́ Твоему́, и да не облада́ет мно́ю вся́кое беззако́ние.

Миронóсицы приидóша мíра Тебé, Христé мой, носящыя премúдро.
Избáви мя от клеветý челóвеческия, и сохраниó заповеди Твоя.
Грядí, вся тварь, пёсны исхóдныя принесём Зиждíтелю.
Лице Твое просветí на раба Твоего, и научí мя оправдáнием Твоím.
Яко мёртва Живáго, с миронóсицами вси миропомáжем мúдренно.
Исхóдища водная изведóсте óчи мой, понéже не сохраних закóна Твоего.
Иóсифе треблаженне, погребí тело Христá Жизнодáвца.
Праведен есí, Гóсподи, и прави судí Твой.
И́хже воспитá мánною, воздвигóша пятý на Благодéтеля.
Заповéдал есí правду, свидéния Твоя, и íстину зело.
И́хже воспитá мánною, принóсят Спасу желчь кúпно и óцет.
Истáяла мя есть рéвность Твоя, я́ко забýша словеса́ Твоя вразí мой.
О пребезúмия и христубийства пророкоубíйц!
Разжжéно слóво Твое зело, и раб Твой возлюбí ё.
Я́коже безúмный служíтель, предаде учени́к Бёздну Премúдрости.
Юне́йший аз есмь и уничижён, оправдáний Тво́их не забудь.
Избáвителя оста́вив, плéнник оста́вился льстíвый Иúда.
Правда Твоя правда во век, и закóн Твой íстина.
По Соломóну ров глубóкий, уста́ еврей беззакóнных.
Скóрби и нýжди обретóша мя, заповеди Твоя поучéние моё.
В стрóпотных шéствиих евреев беззакóнных, волчцы́ и сéти.
Правда свидéния Твоя в век, вразумí мя, и жив бóду.
Иóсиф погребáет с Никодíмом, мертволéпно Зиждíтеля.
Возва́х всем сёрдцем моím, услыши мя, Гóсподи, оправдáния Твоя взыщú.
Жизнодáвче, Спа́се, сла́ва держáве Твоёй, ад разóршей.
Возва́х Ти, спасí мя, и сохраниó свидéния Твоя.
Лежа́ща Тя, Пречíстая, вíдящи, Сло́ве, матеролéпно пла́каше.
Предварíх в безгóдии, и возва́х, на словеса́ Твоя упова́х.
О сладча́йшая Моя́ Весно́, сладча́йшее Моё́ Чадо, где Твоя́ за́йде доброта́?
Предварíсте óчи мой ко утру, поучíтися словесём Твоím.
Плач сподвизáше Всечíстая Твоя́ Мáти, Тебé, Сло́ве, умершу.
Глас мой услы́ши, Гóсподи, по мíлости Твоёй, по судьбе́ Твоёй живí мя.
Жены́ с мíры приидóша помáзати Христá, Божéственного мíра.
Прибл́жишася гоня́ции мя беззакóнием, от закóна же Твоего́ удалíшася.

Смерть смёртию Ты умерщвляеши, Бóже мой, Божественною сілою Твоёю.

Близ еси Ты, Гóсподи, и вси путиё Твой істина.

Прельстїся прелестник, прельстївыйся избавляется премудростию Твоёю, Бóже мой.

И спёрва познах от свидений Твоих, яко в век основал я еси.

Во дно адово низведён бысть предатель, в кладенец ислѣния.

Вижь смирение моё, и изми мя, яко закона Твоего не забых.

Волчцы и сѣти путиё треокаяннаго безумнаго Иуды.

Суди суд мой, и избави мя, словесё ради Твоего живи мя.

Вси спогибают распинателие Твой, Слове, Сыне Бóжий Всецарю.

Далече от грѣшник спасение, яко оправданий Твоих не взыскаша.

В кладенец ислѣния вси спогибают мѹжие кровей.

Щедроты Твоя многи, Гóсподи, по судьбѣ Твоёй живи мя.

Сыне Бóжий Всецарю, Бóже мой, Создателю мой, како страсть подъял еси?

Мнози изгоняющи мя и стужающи ми, от свидений Твоих не уклонихся.

Юница тельца на дрѣве повѣшена взываше зрящи.

Видех неразумеваша и истях, яко словес Твоих не сохраниша.

Тѣло живонóсное Иосиф погребает с Никодимом.

Вижь, яко заповеди Твоя возлюбих, Гóсподи, по мѣлости Твоёй живи мя.

Взываше Отроковица тёпле слѣзы точащи, утробою прободѣема.

Начало словес Твоих істина, и во век вся судьбы правды Твоея.

Свете очию Моёю, сладчайшее Моё Чáдо, како во гробѣ ныне покрываешия?

Князи погнаша мя туне, и от словес Твоих убояся сердце моё.

Адама и Ёву свободити, Мати не рыдай, сия стражду.

Возрадуюся аз о словесех Твоих, яко обретая корысть многу.

Прославляю Твоё, Сыне Мой, крайнее благоутробию, егóже ради сия страдаеши.

Неправду возненавидех и омерзих, закон же Твой возлюбих.

Оцтом напоён был еси и жѣлчию, Щедре, дрѣвнее разрешая вкушение.

Седмерицею днем хвалих Тя, о судьбах правды Твоея.

На Крестѣ пригвоздился еси, дрѣвле люди Твои столпом облачным покрываяй.

Мир мног любящим закон Твой, и несть им соблазна.

Миронóсицы, Спасе, ко гробу пришедшыя, мира принесóша Тебѣ.

Чаях спасения Твоего, Гóсподи, и заповеди Твой возлюбих.

Востани, Щедре, от пропастей адских возставляяй нас.

Сохрани душa мой свидения Твоя, и возлюбй я зело.

Воскресни, Жизнодавче, рождающая Тя Мати, слезы точащи, глаголет.

Сохрани заповеди Твоя и свидения Твоя, яко вси путие мой пред Тобою, Господи.

Потщися воскреснути, печаль разрешая, Слове, чисто рождающая Тя.

Да приблизится моление мое пред Тя, Господи, по словеси Твоему вразуми мя.

Небесныя силы ужасошася страхом, мертва Тя зряще.

Да внидет прошение мое пред Тя, Господи, по словеси Твоему избави мя.

Любовию же и страхом страсти Твоя почитающим, даждь прегрешений разрешение.

Отрыгнут устне мои пение, егда научиши мя оправданием Твоим.

О ужаснаго и страннаго видения, Божий Слове! Како земля Тя покрывает?

Просвещает язык мой словеса Твоя, яко вся заповеди Твоя правда.

Носая Тя древле, Спасе, Иосиф бегает, и ныне Тя иной погребает.

Да будет рука Твоя еже спасти мя, яко заповеди Твоя изволих.

Плачет и рыдает Тя Пречистая Мати Твоя, Спасе мой, умерщвленного.

Вожелах спасение Твое, Господи, и закон Твой поучение мое есть.

Ужасаются умы страннаго и ужаснаго, Тебе всех Создателя, погребения.

Жива будет душа моя, и восхвалит Тя, и судьбы Твоя помогут мне.

Излияша на гроб мирносицы мира, зело рано пришедшыя.

Заблудих яко овца погибшее, взыщи раба Твоего, яко заповедей Твоих не забых.

Мир Церкви, людем Твоим спасение даруй востанием Твоим.

Слава Отцу, и Сыну, и Святому Духу.

О, Троице Боже мой, Отче, Сыне и Духе, помилуй мир.

И ныне, и присно, и во веки веков. Аминь.

Видети Твоего Сына воскресение, Дево, сподоби Твоя рабы.

И абие совершает священник каждение всего храма.

Лик же поет тропарь сия, во глас 5:

Благословен еси, Господи, научи мя оправданием Твоим.

Ангельский собор удивися, зря Тебе в мертвых вменившаяся, смертную же, Спасе, крепость разоривша, и с собою Адама воздвигша, и от ада вся свободивша.

Благословен еси, Господи, научи мя оправданием Твоим.

Почто́ міра с мѣлостивными слеза́ми, о ученицы́, растворяете? Блистáйся во грѣбе́ А́нгел, миронóсицам вещáше: вѣдите вы грѣб, и уразумѣ́йте, Спас бо воскресе́ от грѣба.

Благословѣ́н еси́, Го́споди, научи́ мя оправдáнием Твоѣ́м.

Зелó рано миронóсицы течáху ко грѣбу Твоѣ́му рыдáющыя, но предстá к ним А́нгел, и речé; рыдáния врѣ́мя престá, не пла́чите, воскресѣ́ние же апóстолом рцѣ́те.

Благословѣ́н еси́, Го́споди, научи́ мя оправдáнием Твоѣ́м.

Миронóсицы жены, с мѣры пришѣ́дшыя ко грѣбу Твоѣ́му, Спа́се, рыдáху, А́нгел же к ним речé, глаго́ля: что́ с мѣртвыми живáго помышля́ете? я́ко Бог бо воскресе́ от грѣба.

Слáва Отцú, и Сы́ну, и Свято́му Дúху.

Поклонѣ́мся Отцú, и Егó Сы́нови, и Свято́му Дúху, Святе́й Троице во Едѣ́ном Существѣ́, с Серафѣ́мы зовуще: Свят, Свят, Свят еси́, Го́споди.

И ны́не, и прѣ́сно, и во вѣ́ки веко́в. А́минь.

Жизнода́вца рѣ́ждши, и грехá, Дѣ́во, Ада́ма избáвила еси́, рáдость же Ё́ве в печáли мѣ́сто пода́ла еси́, па́дшыя же от жѣ́зни, к сей напра́ви, из Тебѣ́ воплотѣ́выйся Бог и Человѣ́к.

Аллилу́иа, Аллилу́иа, Аллилу́иа, слáва Тебѣ́, Бо́же. (Трѣ́жды).

Та́же, ектенѣ́я ма́лая: Па́ки и па́ки:

Возгласъ́ священника: Ты́ бо еси́ Царь мѣ́ра, Христé Бо́же наш, и Тебѣ́ сла́ву возсыла́ем, со Безнача́льным Твоѣ́м Отцём, и с Пресвяты́м, и Благѣ́м, и Животворя́щим Твоѣ́м Дúхом, ны́не, и прѣ́сно, и во вѣ́ки веко́в.

Лик: А́минь.

И поёмъ́ седа́лен дне, глас 1:

Подѣ́бен: Грѣб Твой, Спа́се:

Плащани́цею чѣ́стою и аро́маты Божѣ́ственными Тѣ́ло Честно́е, испросѣ́в у Пилáта, миропомазу́ет и полага́ет Ио́сиф в но́вом грѣбе. Тѣ́мже уран́ша миронóсицы жѣ́ны, возопѣ́ша: покажѣ́ нам, я́коже предрѣ́кл еси́, Христé, воскресѣ́ние.

Слáва Отцú, и Сы́ну, и Свято́му Дúху.

Плащани́цею чѣ́стою и аро́маты:

И ны́не и прѣ́сно, и во вѣ́ки веко́в. А́минь.

Ужасѣ́шася ли́цы А́нгельстии зря́ще Седя́щаго в нѣ́дрех О́тчих, ка́ко во грѣб полага́ется я́ко мертв, Безсме́ртный, Егóже чѣ́ни А́нгельстии окружа́ют, и сла́вят с мѣртвыми во аде́, я́ко Зиждѣ́теля и Го́спода.

И áбие́ чтец: Псаломъ́ 50.

И поёмъ́ канѣ́н, глас 6. Песнь 1

Ирмо́с: Волно́ю морско́ю Скрывша́го дрѣ́вле гонѣ́теля мучѣ́теля, под земле́ю

скръша спасённых отроцы: но мы яко отроковицы Господеви поим, славно бо прославися. (Дважды).

Слава Тебё, Боже наш, слава Тебё.

Господи Боже мой, исходное пение, и надгробную Тебё песнь воспою, погребением Твоим жизни моея входы отверзшему, и смертию смерть и ад умертвившему. (4 раза).

Слава Тебё, Боже наш, слава Тебё.

Горё Тя на престоле, и доле во гробе, премирная и подземная помышляющая, Спасе мой, зыбляхуся умерщвлением Твоим: паче ума бо, виден был еси мертв. Живоначальниче. (4 раза).

Слава Тебё, Боже наш, слава Тебё.

Да Твоея славы вся исполниши, сшел еси в нижняя земли: от Тебё бо не скръся состав мой иже во Адаме, и погребён истлевша мя обновляеши, Человеколюбче. (Дважды).

Слава: Да Твоея славы:

И ныне: Да Твоея славы:

Таже оба лика поют вкупе: Волною морскою:

Песнь 3

Ирмос: Тебё, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебё, Господи, взывающи. (Дважды).

Слава Тебё, Боже наш, слава Тебё.

Образы погребения Твоего показал еси, видения умножив: ныне же сокровённая Твоя Богомужно уяснил еси, и сущим во аде Владыко, несть Свят, разве Тебё, Господи, взывающим. (4 раза).

Слава Тебё, Боже наш, слава Тебё.

Простёрл еси длани, и соединил еси древле разстоящаяся: одеянием же, Спасе, еже в плащанице и во гробе, окованные разрешил еси, несть Свят, разве Тебё, Господи, взывающим. (4 раза).

Слава Тебё, Боже наш, слава Тебё.

Гробом и печатями, Невместиме, содержимъ был еси хотением: ибо силу Твою действова показал еси, богодейственно поющим: несть Свят, разве Тебё, Господи Человеколюбче. (Дважды).

Слава: Гробом и печатями:

И ныне: Гробом и печатями:

Таже оба лика поют вкупе: Тебё, на водах:

Ектения: Паки и паки:

Возглас: Яко Ты еси Бог наш:

Лик: Аминь.

Седáлен, глас 1:

Грoб Твой, Спáсе, во́ини стрегу́щи, ме́ртви от облистáния явля́шагося А́нгела бы́ша, пропове́дающа жена́м воскресе́ние. Тебе́ сла́вим тли Потребите́ля, Тебе́ припада́ем воскресе́шему из грóба, и Еди́ному Бо́гу на́шему.

Сла́ва, и ны́не: **Грoб** Твой, Спáсе:

Песнь 4

Ирмо́с: На Кресте́ Твое́ Божество́нное истощание провѣ́дя Авваку́м, ужáсса вопия́ше: Ты си́льных пресе́кл еси́ держа́ву, Бла́же, приобща́лся су́щым во áде, я́ко Всеси́лен. (**Два́жды**).

Сла́ва Тебе́, Бо́же наш, сла́ва Тебе́.

Седмы́й день Днесь освяти́л еси́, егóже дрéвле благослови́л еси́ упоко́ением дел: преводи́ши бо вся́ческая и обновля́еши, суббо́тствуя, Спáсе мой, и назидая. (**4 раза**).

Сла́ва Тебе́, Бо́же наш, сла́ва Тебе́.

Си́лою лу́чшаго, победи́вшего Тебе́, от плóти душá Твоя́ разделі́ся: растерза́ющи бо обо́я у́зы, сме́рти и áда, Сло́ве, держа́вою Твое́ю. (**4 раза**).

Сла́ва Тебе́, Бо́же наш, сла́ва Тебе́.

А́д, Сло́ве, срет Тя огорчи́ся, Чело́века зря обоже́на, уязвлена ра́нами, и Всеси́льноде́теля, Стра́шным же зра́ком погíбе. (**Два́жды**).

Сла́ва: А́д, Сло́ве, срет Тя:

И ны́не: А́д, Сло́ве, срет Тя:

Та́же ирмо́с о́ба ли́ка пою́т вку́пе: На Кресте́ Твое́ Божество́нное истоща́ние:

Песнь 5

Ирмо́с: Богоявле́ния Твоегó, Христé, к нам ми́лостивно бы́вшего, Иса́иа Свет ви́дев Невече́рний, из но́щи у́треневав взыва́ше: воскресе́нут ме́ртвии, и воста́нут су́щии во гробéх, и вси земноро́днии возра́дуются. (**Два́жды**).

Сла́ва Тебе́, Бо́же наш, сла́ва Тебе́.

Новотвори́ши земны́я Создателю, пе́рстен быв, и плащаница и грoб явля́ют е́же в Тебе́, Сло́ве, та́инство: благообразный бо сове́тник, Тебе́, ро́ждшаго сове́т, образу́ет, в Тебе́ велеле́пно новотво́рящаго мя. (**4 раза**).

Сла́ва Тебе́, Бо́же наш, сла́ва Тебе́.

Сме́ртию сме́ртное, погребéнием тле́нное прелага́еши, нетле́нно твори́ши бо, благоле́пно безсме́ртно творя́ при́ятие: плоть бо Твоя́ ислéния не ви́де, Влады́ко, ниже́ душá Твоя́ во áде стра́нноле́пно оставле́на бысть. (**4 раза**).

Сла́ва Тебе́, Бо́же наш, сла́ва Тебе́.

Из Небра́чныя проше́д, и прободéн в ре́бра, Содéтелю мой, из Нея́ соде́лал еси́ обновле́ние Ёви́но, Ада́м быв, усну́в па́че естества́ сном естéственным, и жизнь воздвигну́в от сна и тле́ния я́ко Всеси́лен. (**Два́жды**).

Сла́ва: Из Небра́чныя проше́д:

И ныне: Из Небράчныя прошэд:

Та́же ирмо́с оба́ ли́ка пою́т вку́пе: Богоявле́ния Твоего́, Христе́:

Песнь 6

Ирмо́с: Ят бысть, но не удержан в персех китовых Иона: Твой бо образ нося, страдавшего, и погребению давшегося, яко от чертога от зверя изыде, приглашае же кустодии: хранящим суетная и ложная, милость сию оставили есте. **(Дважды).**

Слава Тебе́, Бо́же наш, слава Тебе́.

Би́ен был еси́, но не разделился, еси́, Сло́ве, ея́же причасти́лся еси́ плоти́: а́ще бо и разори́ся Твой храм во вре́мя стра́сти, но и та́ко еди́н бе соста́в Бо́жества и плоти́ Твоея́. Во обо́их бо еди́н еси́ Сын, Сло́во Бо́жие, **Бог и Чело́век. **(4 раза).****

Слава Тебе́, Бо́же наш, слава Тебе́.

Человекоубийственно, но не богоубийственно бысть прегрешение Адамово: а́ще бо и пострада́ Твоея́ плоти́ перстное существо́, но Бо́жество безстра́стно пребы́сть: тле́нное же Твое́ на нетле́ние преложи́л еси́, и нетле́нная жи́зни показа́л еси́ Исто́чник воскресе́нием. **(4 раза).**

Слава Тебе́, Бо́же наш, слава Тебе́.

Ца́рствует ад, но не ве́чнует, над ро́дом челове́ческим: Ты бо положи́ся во гробе́ державне. Живонача́льною длáнию, сме́рти ключи́ разве́ргл еси́, и пропове́дал еси́ от ве́ка та́мо спя́щим изба́вление неложное, быв Спа́се ме́ртвым Пе́рвенец. **(Дважды).**

Слава: Ца́рствует ад, но не ве́чнует:

И ныне: Ца́рствует ад, но не ве́чнует:

Та́же ирмо́с оба́ ли́ка пою́т вку́пе: Ят бысть, но не уде́ржан:

Посе́м ектени́а ма́лая: Па́ки и па́ки:

Возгла́с священника: Ты бо еси́ Ца́рь ми́ра:

Лик: Ами́нь.

Та́же конда́к, глас 6:

Бездну заключивый, мертв зрится, и сми́рною и плащани́цею обви́вся, во гробе́ полага́ется я́ко сме́ртный Безсме́ртный: же́ны же приидо́ша пома́зати Его́ ми́ром, пла́чущыя го́рько и вопио́ущыя: сий суббо́та есть преблагослове́нная, в нейже Христо́с усну́в воскресе́нет тридне́вен.

Йкос: Содержа́й вся на Кресте́ вознесе́ся, и рыда́ет вся тварь, Того́ ви́дящи на́га ви́сяща на дре́ве, со́лнце лучы́ сокры́, и зве́зды отложи́ша свет, зе́мля же со мно́гим стра́хом поколебáся, и мо́ре побеже́, и каме́ние распаде́ся, гробы́ же мно́зи отверзо́шася, и телеса́ воста́ша святы́х муже́й. **Ад** ни́зу стене́т, и иуде́е сове́туют оклеветáти Христо́во Воскресе́ние, жены́ же взыва́ют: Сия́ суббо́та есть преблагослове́нная, в нейже Христо́с усну́в воскресе́нет тридне́вен.

Песнь 7

Ирмо́с: Неизрече́нное чудо, в пе́щи Изба́вивый преподо́бныя о́троки из

пламене, во гробе мертв бездыханен полагается, во спасение нас поющих: Избавителю Боже, благословен еси. (Дважды).

Слава Тебе, Боже наш, слава Тебе.

Узвися ад, в сердце прием Узвенного копием в ребра, и въздыхает огнем Божественным иждиваемь, во спасение нас поющих: Избавителю Боже, благословен еси. (Трижды).

Слава Тебе, Боже наш, слава Тебе.

Богат гроб, в себе бо прием яко спяща Содетеля, жизни Божественное сокровище показася, во спасение нас поющих: Избавителю Боже, благословен еси. (Трижды).

Слава Тебе, Боже наш, слава Тебе.

Законом умерших еже во гробе положение, всех приемлет жизнь, и сего источника показывает востания, во спасение нас поющих: Избавителю Боже, благословен еси. (Трижды).

Слава Тебе, Боже наш, слава Тебе.

Едино быше неразлучное, еже во аде, и во гробе, и во Едеме, Божество Христово, со Отцем и Духом, во спасение нас поющих: Избавителю Боже, благословен еси.

Слава: Едино быше неразлучное:

И ныне: Едино быше неразлучное:

Таже ирмос оба лика поют вкупе: Неизреченное чудо:

Песнь 8

Ирмос: Ужаснися бояйся небо, и да подвижатся основания земли: се бо в мертвецех вменяется в Вышних живый, и во гроб мал странноприимается. Егоже отроцы благословите, священницы воспойте, людие превозносите во вся веки. (Дважды).

Слава Тебе, Боже наш, слава Тебе.

Разрушися Пречистый Храм, падшую же совозставляет скинию: Адаму бо первому Второй, Иже в Вышних живый, сниде даже до адовых сокровищ. Егоже отроцы благословите, священницы воспойте, людие превозносите во вся веки. (4 раза).

Слава Тебе, Боже наш, слава Тебе.

Преста дерзость учеников, Аримафей же изрядствует Иосиф: мертва бо и нага зря над всеми Бога, просит и погребает, зовый: отроцы благословите, священницы воспойте, людие превозносите во вся веки. (4 раза).

Слава Тебе, Боже наш, слава Тебе.

О чудес новых! О благодати! О неизреченного терпения! Волею бо под землею печатлется, Иже в Вышних живый, и яко льстец, Бог оклеветается. Егоже отроцы благословите, священницы воспойте, людие превозносите во вся веки. (Дважды).

Благословім Отца́ и Сы́на и Свята́го Ду́ха, Го́спода.

О чудес́ нóвых! О блага́сти! О неизрече́ннаго:

И ны́не: О чудес́ нóвых! О блага́сти! О неизрече́ннаго:

Хвалим, благословім, покланя́емся Го́сподеви, пою́ще и превозно́сяще во вся ве́кі.

Та́же ирмо́с о́ба ли́ка пою́т вку́пе: Ужасни́ся боя́йся не́бо:

Песнь 9

Ирмо́с: Не рыда́й Мене́, Ма́ти, зря́щи во грóбе, Егóже во чре́ве без се́мене зачала́ еси́ Сы́на: воста́ну бо и просла́влюся, и вознесу́ со сла́вою непреста́нно, я́ко Бог, ве́рою и любóвию Тя велича́ющыя. (Два́жды).

Сла́ва Тебе́, Бо́же наш, сла́ва Тебе́.

В стра́ннем Твоём рождестве́, боле́зней избежа́вши па́че естества, ублажи́хся Безнача́льне Сы́не: ны́не же Ты, Бо́же Мой, бездыха́нна зря́щи ме́ртва, ору́жием печа́ли растерза́юся лю́те, но воскресни́, я́ко да возвели́чуся. (4 ра́за).

Сла́ва Тебе́, Бо́же наш, сла́ва Тебе́.

Земля́ покрыва́ет Мя хотя́ща, но устраша́ются а́довы врати́цы, оде́яна ви́дяще оде́ждою окровавле́ною Ма́ти, отмще́ния: враги́ бо Кресто́м порази́в я́ко Бог, воскресе́ну па́ки, и возвели́чу Тя. (4 ра́за).

Сла́ва Тебе́, Бо́же наш, сла́ва Тебе́.

Да радуется́ тварь, да веселя́тся вси земноро́днии, враг бо плени́ся ад: с ми́ры же́ны да сретáют, Ада́ма со Ёво́ю избавля́ю всерóдна, и в тре́тий день воскресе́ну. (Два́жды).

Сла́ва: Да ра́дуется тварь:

И ны́не: Да ра́дуется тварь:

Та́же ирмо́с о́ба ли́ка пою́т вку́пе: Не рыда́й Мене́, Ма́ти:

Посем ектени́а ма́лая: Па́ки и па́ки:

Возглас: Я́ко Ты хва́лят вся Си́лы Небе́сных:

Лик: Ами́нь.

Та́же диа́кон глаго́лет вме́сто свети́льна, во глас 2:

Свят Госпо́дь Бог наш.

Лик: Свят Госпо́дь Бог наш.

Стих: Я́ко Свят Госпо́дь Бог наш.

Лик: Свят Госпо́дь Бог наш.

Стих: Над все́ми людьми́ Бог наш.

Лик: Свят Госпо́дь Бог наш.

И а́бие пою́т: Вся́кое дыха́ние: на о́ба ли́ка во глас то́йже.

Вся́кое дыха́ние да хва́лит Го́спода. Хвали́те Го́спода с небе́с, хвали́те Егó в

вы́шних. Тебѣ подобаетъ песнь Бóгу.

Хвалите Егó вси А́нгели Егó, хвалите Егó вся сѣлы Егó. Тебѣ подобаетъ песнь Бóгу.

И по чѣну вся стихѣ: Хвалите Егó со́лнце и луна́, хвалите Егó вся звѣзды и свет. Хвалите Егó Небеса́ небѣс, и вода́ яже превѣше небѣс, да восхва́лят Ёмя Господне. Яко Той рече́ и бы́ша: Той повеле́ и созда́шася. Поста́ви я́ в век и в век ве́ка: повелѣние положи́ и не ми́мо ѣдет. Хвалите Го́спода от земли́, змѣеве и вся бѣздно́. Огнь, град, снег, го́лоть, дух бу́рен, творя́щая сло́во Егó. Го́ры и вси хо́лми, древа́ плодоно́сна и вси ке́дри. Звѣрие и вси скóти, га́ди и птѣицы перна́ты. Ца́рие зѣмстии и вси лю́дие, кня́зи и вси судѣи зѣмстии. Юно́ши и дѣвы, старцы с ю́нотами. Да восхва́лят Ёмя Господне: я́ко вознесѣ́ся Ёмя Того́ Едина́го. Исповѣда́ние Егó на земли́ и на небеса́х. И вознесѣ́т рог люде́й Свои́х: песнь всем преподо́бным Егó, сыновомъ Изра́иловым, лю́дем приближа́ющимся Емú.

Воспойте Го́сподеви песнь но́ву, хвалѣние Егó в це́ркви преподо́бных. Да возвеселѣ́тся Изра́иль о сотвор́шем Егó, и сы́нове Сио́ни возра́дуются о Царе своём. Да восхва́лят Ёмя Егó в ли́це, в тимпа́не и псалти́ри да пою́т Емú. Яко благово́лит Господь в лю́дех Свои́х, и вознесѣ́т кро́ткія во спасѣ́ние. Восхва́лятся преподо́бнии во сла́ве, и возра́дуются на ло́жах свои́х. Возно́шения Бо́жия в горта́ни их, и мечѣ обою́ду острѣ́ в рука́х их: Сотвори́ти отмщѣ́ние во язы́цех, обличѣ́ния в лю́дех. Связа́ти ца́ри их пу́ты, и сла́вныя их ручны́ми о́ковы желе́зными. Сотвори́ти в них суд на́писан: сла́ва сѣя́ бу́дет всем преподо́бным Егó. Хвалите Бо́га во святы́х Егó, хвалите Егó во утвер́жении сѣлы Егó.

Зде поём на хвалѣтех стихѣры самогласны 4, глас 2:

Стих: Хвалите Егó на сѣлах Егó, хвалите Егó по мно́жеству вели́чества Егó.

Днесь соде́ржит гробъ Соде́ржащаго длáнию тварь, покрывáет ка́мень Покрѣ́вшаго добродѣ́телию Небеса́, спит Живóт, и ад трепѣ́щет, и Ада́м от уз разрешáется. Сла́ва Твоемú смотре́нию, ѣмже совер́шив все упоко́ение вѣ́чное, дарова́л есѣ́ нам, Бо́же, всесвято́е из ме́ртвых Твое воскресе́ние.

Стих: Хвалите Егó во гласе тру́бнем, хвалите Егó во псалти́ри и гуслех.

Чтó зрѣ́мое видѣ́ние? Ко́е настоя́щее упоко́ение? Ца́рь веко́в, Ёже стра́стию совер́шив смотре́ние, во грóбе суббо́тствует, но́вое нам пода́й суббо́тство, Тому возопѣ́й: воскресни́, Бо́же, судя́й земли́, я́ко Ты Ца́рствуеши во ве́ки, неизме́рною имѣ́й ве́лию ми́лость.

Стих: Хвалите Егó в тимпане и ли́це, хвалите Егó во стру́нах и орга́не.

Приидѣ́те ви́дим Живóт наш во грóбе лежа́щ, да во гробѣ́х лежа́щыя оживѣ́т. Приидѣ́те Днесь ѣже из Иу́ды спѣ́ща зря́ще, проро́чески Емú возопѣ́й: возле́г уснул есѣ́ я́ко лев, кто воздвѣ́гнет Тя, Ца́рю? Но воста́ни самовла́стно, да́вый Себе́ о нас во́лею, Го́споди, сла́ва Тебе́.

Стих: Хвалите Егó в кимва́лех доброгласных, хвалите Егó в кимва́лех восклицáния. Вся́кое дыха́ние да хва́лит Го́спода.

Глас 6: Просѣ́ Иосѣ́ф те́ло Иисúсово, и положи́ Ё́ в но́вом своём грóбе: подобáше бо Емú из грóба, я́ко из черто́га пройти́. Сокру́шивый держа́ву сме́рти, и отвѣ́рзый врата райская́ челове́ком, Го́споди, сла́ва Тебе́.

Сла́ва Отцу́, и Сы́ну, и Свято́му Ду́ху,

Глас 6: Дне́шний день та́йно вели́кий Моисе́й прообразова́ше, глаго́ля: и благослови́ **Бог** день седмýй: сия́ бо есть благословенная суббо́та, сей есть упоко́ения день, в о́нже почи́ от всех дел Свои́х Единоро́дный Сын Бо́жий, смотре́нием еже на смерть, плото́ию суббо́тствовал: и во е́же бе, па́ки возвраща́ся воскресе́нием, дарова́ нам живо́т ве́чный, я́ко Еди́н Благ и Человеколю́бец.

И ны́не и прі́сно, и во ве́ки веко́в. **Ами́нь.**

Глас 2: Преблагослове́нна еси́, Богоро́дице Де́во:

При пении хвалитных стихир настоятель облачается во вся священныя одёжды и при пении стихир: Преблагословенна еси́, Богородице Де́во: Царскими врата́ми исходит с прóчими клириками на сре́дину хра́ма к Плащани́це и возглаша́ет:

Сла́ва Тебе́, показавшему нам свет.

Лик поёт: Сла́ва в вы́шних Бо́гу:

В конце́ же славосло́вия высочай́шим гласом: Святы́й Бо́же, Святы́й Кре́пкий, Святы́й Безсме́ртный, поми́луй нас.

По́ему же вели́кому славосло́вию, предстоя́тель кади́т с диа́коном о́крест Плащани́цы. Егда́ же певцы́ пою́т заключи́тельное Святы́й Бо́же, предстоя́тель взе́млет с Плащани́цы Ева́нгелие, полага́ет Его́ себе на главу́, а по́верх Него́ Плащани́цу, ю́же подде́рживают прочи́й священники. И обно́сят Плащани́цу вокру́г хра́ма при многократном пении́ Святы́й Бо́же. При вхо́де в хра́м Плащани́цу подно́сят к Царским врата́м, и предстоя́тель возглаша́ет: Прему́дрость, прóсти. И возвраща́ются с Плащани́цею на сре́дину хра́ма, полага́юще ю́ на пре́жнем ме́сте. Предстоя́тель соверша́ет кажде́ние о́крест Плащани́цы еди́ножды. Кли́рицы же пою́т тропа́рь еди́ножды:

Благообра́зный Ио́сиф, с дре́ва снем Пречи́стое Те́ло Твое́, Плащани́цею чи́стою обви́в, и воня́ми во грóбе но́ве покрыв́ положі́.

Посе́м, тропа́рь проро́чества во глас 2:

Содержа́й концы́, грóбом содержа́тися изво́лил еси́, Христé, да от а́дова поглоще́ния изба́виши челове́чество, и воскрeс оживи́ши нас, я́ко **Бог Безсме́ртный.**

Сла́ва Отцу́, и Сы́ну, и Свято́му Ду́ху и ны́не, и прі́сно, и во ве́ки веко́в. **Ами́нь.**

Содержа́й концы́, грóбом содержа́тися:

Та́же диа́кон: Во́нмем.

Чтец же: Прокі́мен, глас четвёртый: **Воскресни, Го́споди, помози́ нам и изба́ви нас И́мене ра́ди Твоего́.**

Лик: Воскресни́, Го́споди, помози́ нам и изба́ви нас И́мене ра́ди Твоего́.

Чтец, стих: Бо́же, уши́ма на́шими услы́шахом, и отцы́ на́ши возвести́ша нам.

Лик: Воскресни́, Го́споди, помози́ нам:

Чтец: Воскресни́, Го́споди, помози́ нам.

Лик: И изба́ви нас И́мене ра́ди Твоего́.

Диáкон: Прему́дрость.

Чтец: Проро́чества Иезеки́илева чтéние.

Диáкон: Во́ннем.

Чтец: Бысть на мнѣ рука Господня, и изведе́ мя в ду́се Господни, и поста́ви мя среде́ поля, се же бы́ше по́лно косте́й челове́ческих. И обведе́ мя о́крест их о́коло, и зело́ на ли́цы поля, и се су́хи зело́. И рече́ ко мне: Сы́не челове́чь, оживу́т ли ко́сти сия́? И реко́х: Го́споди Бо́же, Ты ве́си сия́. И рече́ ко мне: Сы́не челове́чь, прорцы́ на ко́сти сия́, и рече́ши им: ко́сти сухія́, слы́шите сло́во Господне. Се глаго́лет Адона́й Господь ко́стем сим: се Аз введу́ в вас дух живо́тен. И дам на вас жи́лы, и введу́ на вас плоть, и простру́ по вам ко́жу, и дам дух Мой в вас, и оживе́те, и уве́сте, я́ко Аз есмь Господь. И прореко́х, я́коже запове́да ми Господь, и бысть глас внегда́ ми проро́чествовати, и се трус, и совокупля́хуся ко́сти; кость к ко́сти ка́ждо к соста́ву своему́. И ви́дех, и се бы́ша им жи́лы и плоть растя́ше, и восхожда́ше, (и протяже́ся) им ко́жа верху́, Ду́ха же не бы́ше в них. И рече́ ко мне: прорцы́ о ду́се, прорцы́, сы́не челове́чь, и рцы́ ду́хови: Сия́ глаго́лет Адона́й Господь: от четы́рех ве́тров прииди́, Ду́ше, и вдуни на ме́ртвыя сия́, и да оживут. И прореко́х, я́коже повеле́ ми, и вни́де в ня дух жи́зни, и ожи́ша, и ста́ша на нога́х своих, собо́р мног зело́. И рече́ Господь ко мне, глаго́ля: Сы́не челове́чь, сия́ ко́сти весь дом Изра́илев е́сть: тии бо глаго́лют, су́хи бы́ша ко́сти на́ша, поги́бе наде́жда на́ша, уби́ени бы́хом. Того́ ра́ди прорцы́ (сы́не челове́чь), и рцы́ к ним: сия́ глаго́лет Адона́й Господь: се Аз отве́рзу гробы́ ва́ша, и изведу́ вас от гроб ва́ших, лю́дие Мой, и введу́ вы в зе́млю Изра́илеву. И уве́сте, я́ко Аз есмь Господь, внегда́ отве́рсти ми гробы́ ва́ша, е́же возвести́ Ми вас от гробо́в ва́ших, лю́дие Мой: и дам дух Мой в вас, и жи́ви бу́дете. И поста́влю вы на землі ва́шей и уве́сте, я́ко Аз Господь: глаго́лах, и сотворю, глаго́лет Адона́й Господь.

Та́же диáкон возглаша́ет: Во́ннем.

Чтец: Прокі́мен, глас седмый: Воскресни́, Го́споди, Бо́же мой, да вознесе́тся рука Твоя́, не забу́ди убо́гих Твои́х до конца́.

Лик: Воскресни́, Го́споди, Бо́же мой, да вознесе́тся рука Твоя́, не забу́ди убо́гих Твои́х до конца́.

Чтец, стих: Испове́мся Тебе́, Го́споди, всем се́рдцем мо́им, пове́м вся чуде́са Твоя́.

Лик: Воскресни́, Го́споди, Бо́же мой, да вознесе́тся рука Твоя́, не забу́ди убо́гих Твои́х до конца́.

Чтец: Воскресни́, Го́споди, Бо́же мой, да вознесе́тся рука Твоя́.

Лик: Не забу́ди убо́гих Твои́х до конца́.

Диáкон: Прему́дрость.

Чтец: К Корі́нфяном послания Свята́го апо́стола Павла чтéние.

Диáкон: Во́ннем.

Чтец: Бра́тие, мал квас все сме́шение ква́сит. Очи́стите у́бо ве́тхий квас, да

бўдете нóво смeшeниe, я́коже естé безквáсни: ýбо Пáсхa нáшa зa ны пожрeн бысть Христóс. Тeмжe дa прáзднуeм нe в квáсe вeтсe, ни в квáсe злóбы и лукáвствa, нo в безквáсиих чистоты́ и ýстинy. Христóс ны искипýл естъ от клéтвы закóнныя, быв по нас клéтвa. Пýсaнo бo естъ: прóклéт всяк вýсый нa дрéвe. Дa в язýцex блaгословeниe Аврáмлe бýдeт o Христé Иисýсe, дa обeтовáниe Дýхa приймeм вeрoю.

Свящeнник: Мир ти.

Чтец: И дýхови твoемý.

Диáкон: Прeмýдрость.

Чтец: Аллилýиa.

И áбие поýт во глaс 5 Аллилýиa. (Трижды).

Чтец же глaгóлет стихи сия.

Стих: Дa вoскрeснeт Бог, и рaсточáтcя вразý Егó, и дa бeжáт от лицá Егó нeнaвúдящии Егó.

Стих: Я́кo исчeзáeт дым, дa исчeзнyт, я́кo тáeт воск от лицá огнá.

Стих: Тáкo дa пoгúбнyт грeшницy от лицá Бóжия, a прáвeдницy дa вoзвeсeлýтcя.

Посeм возглaшáeт диáкон: Прeмýдрость, прóсти, услýшим Святáго Евáнгeлия.

Свящeнник: Мир всем.

Лик: И дýхови твoемý.

Свящeнник: От Мaтфeа Святáго Евáнгeлия чтeниe.

Лик: Слáвa Тебe, Гóспoди, слáвa Тебe.

Диáкон: Вóнмeм.

И чтeт свящeнник Евáнгeлиe:

Во ýтрий дeнь, ýжe естъ по пятцe, собрáшacя aрхиерeе и фaрисeе к Пилáтy, глaгóлющe: Гóспoди, пoмýнyхoм, я́кo льстeц он рeчe eщe сýй жив: по триeх днeх вoстáнy. Пoвeли ýбo yтвeрдýти грoб дo трeтиeгo днe: дa нe кáкo пришeдшe ученицý Егó нóщию, yкрaдýт Егó и рeкýт лyдeм: вoстa от мeртвых. И бýдeт послeднýя лeсть гóршa пeрвýя. Рeчe жe им Пилáт: ýмaтe кyстoдиý, идýтe yтвeрдýтe, я́кoжe вeстe. Онý жe шeдшe yтвeрдýшa грoб, знaмeнáвшe кáмeнь с кyстoдиeю.

Лик: Слáвa Тебe, Гóспoди, слáвa Тебe.

Посeм eктeниá сyгyбaя: Рцeм вси:

Вoзглáс: Я́кo мýлoстив и Чeлoвeкoлýбeц Бог eсý:

Лик: Амíнь.

Диáкон: Исполним ýтpeннýю мoлитвy нáшy Гóспoдeви.

По вoзглáсe прoсýтeльнoй eктeний:

Лик: Аминь:

Диакон: Премудрость.

Лик: Благослові.

Священник: Сый благословен Христос Бог наш, всегда, ныне и присно, и во веки веков.

Лик: Аминь. Утверди, Боже, Святую православную веру, православных христиан во век века.

Священник: Пресвятая Богородице, спаси нас.

Лик: Честнейшую Херувим:

Священник: Слава Тебе, Христэ Боже, упование наше, слава Тебе.

Лик: Слава, и ныне: Господи, помилуй. (Трижды). Благослові.

Священник творит отпуст:

Иже нас ради человеков и нашего ради спасения, страшныя страсти и Животворящий Крест, и вольное погребение плотию изволивый, Христос, Истинный Бог наш, молитвами Пречистыя Своея Матере, святых славных и всехвальных апостол, святых и праведных Богоотцев Иоакима и Анны, и всех святых, помилует и спасет нас, яко Благ и Человеколюбец.

Посем лик поет многолетие: Великаго Господина:

И бывает целование Плащаницы, а идеже несть Плащаницы, целуют образ: певцы же поют стихирю, глас 5:

Приидите, ублажим Иосифа приснопамятнаго, в нощи к Пилату пришедшаго, и Живота всех испросившаго: даждь ми Сего Станнаго, Иже не имеет где главы поклонити: даждь ми Сего Станнаго, Егоже ученик лукавый на смерть предаде: даждь ми Сего Станнаго, Егоже Мати зрящи на Кресте висяща, рыдаючи вопияше и матерски восклицаше: увы Мне, Чадо Моё! Увы Мне, Свете Мой, и Утроба Моя возлюбленная! Симеоном бо предреченное в церкви Днесь событся: Моё сердце оружие пройде, но в радость воскресения Твоего плач преложи. Поклоняемся страстем Твоим, Христэ, поклоняемся страстем Твоим, Христэ, поклоняемся страстем Твоим, Христэ, и Святому Воскресению.

Последование часов во Святую и Великую субботу

Час первый

Чтец глаголет: Приидите, поклонимся: (Трижды). И творим последование часа по обычаю. Тропарь и кондак – субботы.

Тропарь, глас 4:

Благообразный Иосиф, с древа снем Пречистое Тело Твое, плащаницею чистою обвив, и вонями во гробе нове покрыв положи.

Кондак, глас 2:

Бездну заключивый, мертв зрится, и смиреню и плащаницею обвився, во

гробе полага́ется я́ко смёртнѣй Безсмёртнѣй; жены же приидо́ша помáзати Его́ мѣромъ, пла́чущія го́рько и вопи́ющія: Сія́ суббо́та есть преблагослове́нная, в не́йже Христо́с, усну́въ, воскресе́нет тридне́венъ.

Оконча́ние, я́коже обы́чно.

Час тре́тий

Начи́нает свяще́нникъ: Благо́словенъ Богъ нашъ, всегдá, ны́нѣ и прѣсно, и во ве́ки веко́въ.

Чтецъ: Ами́нь. И обы́чное послѣдованіе часа́.

Тропа́рь и конда́къ, какъ на пе́рвомъ часе́.

Час шесты́й

Прииді́те, поклоні́мся: (Три́жды).

На шесто́мъ часе́ чтемъ тропа́рь и конда́къ те же.

Час девя́тый

Прииді́те, поклоні́мся: (Три́жды).

Час девя́тый чита́ется по обы́чаю, тропа́рь и конда́къ суббо́ты, я́коже написа́ся на часе́ пе́рвомъ.

По девя́томъ часе́ чтемъ Блаже́нны, ско́ро, без пе́ния:

Во Ца́рствіи Твоёмъ помяни́ нас, Го́споди, егда́ при́деши во Ца́рствіи Твоёмъ.

Блаже́ни ни́щии ду́хомъ, я́ко техъ есть Ца́рство Небе́сное.

Блаже́ни пла́чущіи, я́ко ти́и утѣшатся.

Блаже́ни кро́тцыи, я́ко ти́и насле́дятъ земле́ю.

Блаже́ни а́лчущіи и жа́ждущіи пра́вды, я́ко ти́и насы́тятся.

Блаже́ни ми́лостивіи, я́ко ти́и поми́ловани бу́дутъ.

Блаже́ни чи́стии се́рдцемъ, я́ко ти́и Бога́ узрятъ.

Блаже́ни миротво́рцы, я́ко ти́и сы́нове Бо́жии нареку́тся.

Блаже́ни изгна́ни пра́вды ра́ди, я́ко техъ есть Ца́рство Небе́сное.

Блаже́ни есте́, егда́ поно́сятъ вамъ, и изжену́тъ, и реку́тъ всякъ золъ глаго́лъ на вы лжу́ще, Мене́ ра́ди.

Ра́дуйтесь и весели́тесь, я́ко мзда ва́ша мно́га на Небесе́хъ.

Сла́ва Отцу́, и Сы́ну, и Свято́му Ду́ху, и ны́нѣ, и прѣсно, и во ве́ки веко́въ. Ами́нь.

Помяни́ нас, Го́споди, егда́ при́деши во Ца́рствіи Твоёмъ.

Помяни́ нас, Влады́ко, егда́ при́деши во Ца́рствіи Твоёмъ.

Помяни́ нас, Святы́й, егда́ при́деши во Ца́рствіи Твоёмъ.

Ли́къ Небе́сный поётъ Тя и глаго́летъ: Святъ, Святъ, Святъ Госпо́дь Савао́фъ, испо́лнь

не́бо и землѣ сла́вы Твоеѣ.

Стих: Приступіте к Немѹ и просветітеся, и лица ва́ша не посты́дятся.

Лик Небѣсный поёт Тя и глаго́лет: Свят, Свят, Свят Госпо́дь Савао́ф, испо́лнь не́бо и землѣ сла́вы Твоеѣ.

Сла́ва Отцѹ, и Сы́ну, и Свято́му Ду́ху.

Лик Святы́х Ангел и Арха́нгел, со все́ми Небѣсными Сі́лами, поёт Тя и глаго́лет: Свят, Свят, Свят Госпо́дь Савао́ф, испо́лнь не́бо и землѣ сла́вы Твоеѣ.

И ны́не и прі́сно, и во ве́ки веко́в. Ами́нь.

Вѣрую:

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, і́же во дни и в но́щи, я́же во уме́ и в помышле́нии, вся нам прости́, я́ко Благ и Чело́веколю́бец.

О́тче наш:

Свяще́нник: Я́ко Твое́ есть Ца́рство:

Чтец: Ами́нь.

Конда́к: Бе́здну заклю́чивый, мертв зрѣ́тся:

Го́споди, поми́луй. (12).

И моли́тва:

Всесвята́я Тро́ице, Единосу́щная Держа́ва, Неразде́льное Ца́рство, всех благи́х Вина́: благово́ли же и о мне, грѣ́шнем, утверди́, вразуми́ се́рдце моё, и всю мою́ отыми́ скве́рну, просвети́ мою́ мысль, да вѣ́ну сла́влю, пою́, и покланя́юся, и глаго́лю: Еди́н Свят, Еди́н Госпо́дь Иису́с Христос, во сла́ву Бо́га Отца́. Ами́нь.

Ди́акон: Прему́дрость.

Лик: Досто́йно есть:

Свяще́нник: Пресвята́я Богоро́дице, спаси́ нас.

Лик: Честне́йшую Херуви́м:

Свяще́нник: Сла́ва Тебе́, Христэ́ Бо́же, упова́ние на́ше, сла́ва Тебе́.

Лик: Сла́ва, и ны́не: Го́споди, поми́луй. (Три́жды). Благослови́.

Свяще́нник творит отпу́ст: Христос, И́стинный Бог наш:

Лик поёт многоле́тие: Вели́каго Госпо́дина:

После́дование вече́рни во Святую́ и Вели́кую суббо́ту

Собра́вшеся во храм, начина́ем вечерню́ сѣ́це:

Ди́акон возглаша́ет: Благослови́, Влады́ко.

Свяще́нник: Благослове́но Ца́рство Отца́, и Сы́на, и Свята́го Ду́ха ны́не, и прі́сно, и во ве́ки веко́в.

Лик: Ами́нь.

Чтец: обычное начало и вечерний псалом 103 (зри сноску № 1).

Посём ектенія великая: Мѣром Господу помолимся.

И возглас священника: Яко подобает Тебѣ всякая слава:

Лик: Аминь. Таже поют: Господи воззвах, на оба лика во глас 1 .

Господи, воззвах к Тебѣ, услыши мя, услыши мя, Господи: Господи, воззвах к Тебѣ, услыши мя: вонми гласу молѣния моего, внегда воззвати ми к Тебѣ. Услыши мя, Господи.

Да исправится молитва моя, яко кадило пред Тобою: воздеяние рукѹ моею жертва вечерняя. Услыши мя, Господи.

И по чину стихѣ:

Положи, Господи, хранѣние устомъ моимъ:

Зде поём стихѣры воскресныя осмогласника 3 и от стиховны, глас 1:

Из глубины воззвах к Тебѣ, Господи, Господи, услыши глас мой.

Вечерняя наша молитвы приими, Святѣй Господи, и подаждь нам оставлѣние греховъ, яко еди́н еси явлей в мѣре воскресѣние.

Да будутъ уши Твоѣ внѣмлюще гласу молѣния моего.

Обыдите людіе Сионъ, и обымите его, и дадите славу в немъ воскресшему из мѣртвыхъ: яко Той есть Богъ наш, избавлей насъ отъ беззаконій нашихъ.

Аще беззаконія на́зриши, Господи, Господи, кто́ постоитъ? Яко у Тебѣ очищѣние есть.

Приидите, людіе, воспоймъ, и поклонимся Христу, славяще Его из мѣртвыхъ воскресѣние, яко Той есть Богъ наш, от лѣсти вражия миръ избавлей.

Имене ради Твоего потерпѣхъ Тя, Господи, потерпѣ душа́ моя в слово Твое, упова́ душа́ моя на Господа.

Страстию Твоею, Христѣ, от страстей свободихомся, и воскресѣниемъ Твоимъ из истлѣния избавихомся; Господи, слава Тебѣ.

Ины стихѣры самогласны 4, глас 8:

От стражи утрення до нощи, от стражи утрення, да уповаетъ Израиль на Господа.

Днесь адъ стѣня вопиетъ: ѹне мне бѣше, аще быхъ отъ Маріи Рѣждшагося не приѣлъ: прише́дъ бо на мя держа́ву мою разруши́, врата́ мѣдная сокруши́: ду́шы, яже содрѣжахъ прѣжде, Богъ сый воскреси́. Слава, Господи, Кресту́ Твоему́ и Воскресѣнію Твоему́.

Яко у Господа мѣлость, и мно́гое у Него́ избавлѣние: и Той избавитъ Израіля отъ всехъ беззаконій его́.

Днесь адъ стѣня:

Хвалите Господа, вси языцы, похвалите Его, вси людіе.

Днесь адъ стѣня вопиетъ: разрушися моя́ власть, прияхъ Мѣртваго яко́ Еди́наго отъ умершихъ: сего́ бо держа́ти отню́дъ не могу́, но погубляю́ с Нимъ, ѣмиже црствовахъ:

аз имѣх мертвецѣ от вѣка, но Сей (Се) всех воздвизает. Слава, Господи, Кресту Твоему и Воскресению Твоему.

Яко утвердися мѣлость Его на нас, и истина Господня пребывает во век.

Днесъ ад стени вопиет: пожерта моя бысть держава, Пастырь распялся и Адама воскреси. Имиже царствовах, лишихся, и яже пожрох возможий, всех излевах: истощи гробы Распныйся, изнемогает смертная держава. Слава, Господи, Кресту Твоему и Воскресению Твоему.

Слава Отцу, и Сыну, и Святому Духу.

Глас 6: Днѣшний день тайно великий Моисей прообразоваше, глаголя: и Благословѣ **Бог** день седмый: сѣя бо есть благословенная суббота, сѣй есть упокоения день, В онѣже почи от всех дел Своих Единородный Сын Божий, смотрением еже на смерть, плотию субботствовал: и во еже бе, паки возвращая воскресением, дарова нам живот вечный, яко Един Благ и Человеколюбец.

И ныне и присно, и во веки веков. **А**минь.

Богородичен, глас 1:

Всемирную Славу от человек прозябшую, и Владыку рождшую, Небесную Дверь воспойм Марию Деву, безплотных Песнь и верных Удобрение, Сѣя бо явися Небо и Храм Божества: Сѣя преграждение вражды разрушивши, мир введе и Царствие отверзе. Сѣю убо имуще веры утверждение, Поборника имамы из Ней рождагося Господа. Дерзайте убо, дерзайте, людие Божии: ибо Той победит враги яко Всесилен.

И вход со Евангелием.

Диакон: Премудрость, прости.

Лик: Свете Тихий:

Диакон: Премудрость.

Чтец: Бѣтия чтѣние.

Диакон: Вѣнцем.

Чтец: В начале сотвори **Бог** небо и землю. Земля же бе невидима и неустроена, и тма верху бѣздна: и дух Божий ношашеся верху воды. И рече Бог: да будет свет, и бысть свет. И виде Бог свет, яко добро: и разлучи Бог между светом и между тмѣю. И нарече Бог свет день, а тмѣу нарече ночь. И бысть вечер, и бысть утро, день един. И рече Бог: да будет твердь посреде воды, и да будет разлучающи посреде воды и воды: и бысть тако. И сотвори Бог твердь: и разлучи Бог между водою, яже бе под твердию, и между водою, яже бе над твердию. И нарече Бог твердь небо, и виде Бог, яко добро: и бысть вечер, и бысть утро, день второй. И рече Бог: да соберется вода, яже под небесѣм, в собрание едино, и да явится суша: и бысть тако. И собрѣся вода, яже под небесѣм, в собрания Своя, и явися суша. И нарече Бог сушу землю, и собрания вод нарече моря, и виде Бог, яко добро. И рече Бог: да прорасти земля былие травное, сеющее семя по роду и по подобию, и древо плодовитое творящее плод, емуже семя его в нем по роду на земли: и бысть тако. И изнесѣ земля былие травное, сеющее семя по роду и по подобию, и древо плодовитое творящее плод, емуже

сѣмя Его́ в нем по роду на земли: и ви́де Бог, ꙗко добро́. И бысть ве́чер, и бысть утро, день трѣтій.

Диáкон: Премудрость.

Чтец: Пророчества Иса́иина чтѣние.

Диáкон: Вѣнчание.

Чтец: Светіся, светіся, Иерусали́ме, прииде бо твой свет, и сла́ва Господня на тебѣ возсия́. Се тма покрѣет зѣмлю и мрак на язы́ки, на тебѣ же явится Господь, и сла́ва Его́ на тебѣ ўзрится. И пойдут царие свѣтом твоим и язы́цы свѣтлостію твоєю́. Возведи́ о́крест очи твои́, и виждь собрана́я чада тво́я: се приидо́ша вси сынове твой изда́леча, и дщѣри твой на ра́мех возмуться. Тогда́ ўзриши, и возра́дуешися, и убойши́ся, и ужасне́шися се́рдцем, ꙗко преложи́тся к тебѣ бога́тство морско́е, и язы́ков, и люде́й. И прийдут к тебѣ стада́ вельблю́д, и покрѣют тя вельблю́ди Мади́амстии и Гефа́рстии: вси от Са́вы прийдут, носяще зла́то, и Лива́н принесу́т, и ка́мень че́стен, и спасѣ́ние Господне благовозвѣстѣ́ют. И вся о́вцы Кида́рския соберу́тся тебѣ, и о́вии Навео́фстии прийдут к тебѣ, и вознесу́тся приятная на же́ртвенник Мой, и дом моли́твы Моёй просла́вится. Кии́ суть, ꙗже ꙗко о́блацы летят, и ꙗко го́луби со птенцы́ ко Мне? Мене́ о́строви жда́ша, и кораблі́ Фарси́йстии в пе́рвых, приве́сти ча́да Тво́я изда́леча, и сребро и зла́то их с ни́ми, Ёмене́ ра́ди Господня Свята́го, и за е́же Свято́му Изра́илеву сла́вну бы́ти. И сози́ждут сынове иноро́днии стѣны Тво́я, и ца́рие их предстоя́ти бу́дут тебѣ; за гнев бо Мой порази́х тя, и за ми́лость Мою́ возлюбих́ тя. И отве́рзутся врата́ Тво́я при́сно, день и но́щь не затворѣ́тся, ввести́ к тебѣ си́лу язы́к, и ца́ри их ве́домыя. Язы́цы бо и царие, ꙗже не порабо́тают ти, поги́бнут, и язы́цы запустѣ́нием запустѣ́ют. И сла́ва Лива́нова к тебѣ придет, кипари́сом, и пе́вгом, и ке́дром, вку́пе просла́вити ме́сто свято́е Моё, и ме́сто ног Моих́ просла́влю. И пойдут к тебѣ бо́ящиеся сынове смири́вших тя и раздра́живших Тя и поклонѣ́тся следа́м ног твои́х вси прогна́вавшии тя: и наре́чется град Господень, Сио́н Свята́го Изра́илева. За се́, ꙗко был еси́ оставле́н и возненави́ден, и не бе помога́ющаго ти: положу́ тя в ра́дость ве́чную, весе́лие родомъ ро́дов. И изсе́еши млеко́ язы́ков, и бога́тство царѣй снеси́, и уразуме́еши, ꙗко Аз Господь спаса́яй тя, и избавля́яй тя **Бог** Изра́илев.

Диáкон: Премудрость.

Чтец: Исхо́да чтѣние.

Диáкон: Вѣнчание.

Чтец: Рече́ Господь к Моисе́ю и Ааро́ну в земли́ Египетстей, глаго́ля: ме́сяц сей вам нача́ло ме́сяцев, пе́рвый бу́дет вам в ме́сяцех ле́та. Рцы ко все́му со́нму сыно́в Изра́илевых, глаго́ля: в де́сятый ме́сяца сегó да во́змет кийждо овча́ по домо́м оте́честв, кийждо овча́ по до́му. А́ще же ма́ло их есть в домо́у, ꙗко недово́льным бы́ти на овча́, да во́змет с собо́ю сосѣ́да бли́жняго свое́го по числу́ душ, кийждо дово́льное себе сочтѣ́т на овча́. Овча́ соверше́нно, му́жеск пол, непоро́чно и единоле́тно бу́дет вам, от А́гнец и от ко́злицъ при́имете. И бу́дет вам соблюде́но да́же до четвертагона́десять дне ме́сяца сегó: и зако́лют то все мно́жество собо́ра сыно́в Изра́илевых к ве́черу. И при́имут от кро́ве, и пома́жут на обо́ю подво́ю, и на пра́гах в домо́х, в ни́хже снесѣ́тъ то́е. И снесѣ́тъ мя́са в но́щи той печѣ́на огне́м, и опресно́ки с го́рьким зе́лием снесѣ́тъ. Не снесѣ́те от них

сурово, ниже варено в воде, но печеное огнем, главы с ногами и со утробой. Не оставите от него до утра, и кости не сокрушите от него: останки же от него до утра огнем сожжете. Сие же съесте е: чресла ваша препоясана, и сапоги ваши на ногах ваших, и жезлы ваши в руках ваших: и съесте е со тщанием: Пасха есть Господня.

Диакон: Премудрость.

Чтец: Пророчества Ионына чтение.

Диакон: Вонмем.

Чтец: Бысть слово Господне ко Ионе, Сыну Амафийну, глаголя: востани и иди в Ниневию, град великий, и проповеждь в нем, яко взыде вопль злобы его ко Мне. И воста Иона, еже бежати в Фарсис от лица Господня: и сниде во Иоппию, и обрете корабль идущ в Фарсис: и даде наем свой, и вниде в онь плыти с ними в Фарсис от лица Господня. И Господь воздвиге ветр велий на море, и бысть буря великая в море, и корабль бедствовал еже сокрушиться. И убояшася корабельницы, и возопиша кийждо к Богу своему, и изметание сотвориша сосудов, иже в корабли в море, еже облегчиться от них; Иона же сниде во дно корабля, и спаше ту и храпляше. И прииде к нему кормчий и рече ему: что ты храплеши? Востани и моли Бога твоего, яко да спасет ны Бог, да не погибнем. И рече кийждо ко искреннему своему: Приидите вержем жребия, и уразумеем, кого ради есть зло сие на нас; и метнуша жребия, и паде жребий на Иону. И реша к нему: возвести нам, кого ради сие зло на нас, и что твое делание есть, и откуда грядеши, и камо идеши, и от коея страны, и от ких людей еси ты. И рече к ним: раб Господень есмь аз и Господа Бога Небеснаго аз чту, Иже сотвори море и сушу. И убояшася мужие страхом великим и реша к нему: что сие сотворил еси? Зане разумеша мужие, яко от лица Господня бежаше, яко возвести им. И реша к нему: что тебе сотворим, и утолится море от нас? Зане море восхождаше, и воздвизаше паче волнение. И рече к ним Иона: возьмите мя, и вверзите в море, и утолится море от вас: понеже познах аз, яко мене ради волнение сие великое на вы есть. И нуждахуся мужие возвратиться к земли и не можаху, яко море восхождаше и воздвизашеся паче на них. И возопиша к Господеви, и реша: никакоже, Господи, да не погибнем души ради человека сего, и не даждь на нас крове праведных: зане Ты, Господи, якоже восхотел, сотворил еси. И взяша Иону и ввергоша его в море, и преста море от волнения своего. И убояшася мужие страхом великим Господа, и пожроша жертву Господеви, и помолишася молитвами. И повеле Господь киту великому пожрети Иону: и бе Иона во чреве китове три дни и три нощи. И помолися Иона ко Господу Богу своему от чрева китова, и рече:

Взопих в скорби моей ко Господу Богу Моему, и услыша мя: из чрева адова вопль мой, услышал еси глас мой. Отвергл мя еси в глубины сердца морского, и реки обыдоша мя: вся высоты Твоя, и волны Твоя на мне преидоша. И аз рех: отринухся от очию Твоею, еда приложу призрети ми к храму святому Твоему. Возлияся на мя вода до души моея, бездна обыде мя последняя, понре глава моя в раселины гор. Сидох в землю, еже верей ея заклеи вечнии. И да взыдет из исления живот мой к Тебе, Господи Боже мой. Внегда скончаватися от Мене души моей, Господа помянух, и да приидет к Тебе молитва моя к храму святому Твоему. Хранящий суетная и ложная, милость свою оставиша. Аз же со гласом

хваления и исповедания пожру Тебѣ, елика обещахъ, воздамъ Тебѣ во спасение мое, Господеву. И повелѣ Господь китови, и изверже Иону на сушу. И бысть слово Господне ко Ионе вторичею, глаголя: востани и иди в Ниневію, град великий, и проповѣждь в нем по проповеди прѣждней, юже Аз глаголахъ тебѣ. И воста Иона и иде в Ниневію, якоже глагола Господь: Ниневіа же бѣше град великъ Богу, яко шествия пути трехъ дней. И начатъ Иона входить во градъ, яко шествие пути дне единого, и проповѣда и рече: еще три дни, и Ниневіа превратится. И вероваша мужие ниневійстии Богу, и заповѣдаша пост, и облекѡшася во вретища от велика ихъ даже до мала ихъ. И дойде слово къ Царю Ниневійскому, и воста съ престола своего, и сверже ризы своя съ собою, и облечѡся во вретище, и сѣде на пепелѣ. И проповѣдася, и речѡно бысть в Ниневіи отъ царя, и вельможъ его, глаголющихъ: человецы, и скоти, и волѡве, и овцы, да не вкусятъ ничесѡже, ни да пасутся, ниже воды да пьютъ. И облекѡшася во вретища человецы, и скоти, и возопиша прилежно къ Богу: и возвратися кийждо отъ пути своего лукаваго, и отъ неправды сущия въ рукахъ ихъ, глаголюще: кто вѣсть, аще раскаяется и умоленъ будетъ Богъ, и обратится отъ гнѣва ярости своея, и не погибнемъ; и виде Богъ дела ихъ, яко обратися отъ путей своихъ лукавыхъ: и раскаяся Богъ о злѣ, еже глаголаше сотворити имъ, и не сотвори. И опечалися Иона печалию великою, и смутися. И помолися ко Господу, и рече: О, Господи, не сїа ли убо словеса моя, яже глаголахъ, еще сущу ми на земли моей? Сего ради предварихъ бежати въ Фарсїс, зане разумѣхъ, яко милостивъ Ты еси и щедръ, долготерпеливъ и многомилостивъ, и кайся о злѡбахъ (человѣческихъ). И ныне, Владыко Господи, приими душу мою отъ Мене, яко уже ми умерети, нежели жити. И рече Господь ко Ионе: аще зело опечалился еси ты? И изыде Иона изъ града, и сѣде прямо града, и сотвори себѣ кущу, и сѣдѡше подъ нею въ сѣни, дондеже увидитъ, что будетъ граду. И повелѣ Господь Богъ тѣкве, и возрастетъ надъ главою Иониною, да будетъ сень надъ главою его, еже осенити его отъ злыхъ его, и возрадовася Иона о тѣкве радостию великою. И повелѣ Господь Богъ червию раннему во утро, и подъяде тѣкву, и изсше. И бысть въкупѣ внемгда возсияти солнцу, и повелѣ Богъ вѣтру знойному жегущу, и порази солнце на главу Ионину: и малодушествоваше, и отрицашеся души своея, и рече: уже ми умерети, нежели жити. И рече Господь Богъ ко Ионе: зело ли опечалился еси ты о тѣкве? И рече (Иона): зело опечалихся азъ даже до смерти. И рече Господь: ты оскорбился еси о тѣкве, о нейже не трудился еси, ни воскормилъ еси ей, иже родися обнощъ и обнощъ погибѣ. Азъ же не пощажу ли Ниневіи града великаго, въ немже живутъ множайшии неже двенáдесять темъ человекъ, иже не познаша десницы своея, ниже шуйцы своея и скоти ихъ мнози?

Диáкон: Премудрость.

Чтецъ: Иисуса Навина чтѣние.

Диáкон: Вонмемъ.

Чтецъ: Ополчѡшася сынове Израїлевы въ галгáлехъ, и сотвориша Пасху въ четвертыйнадесять день мѣсяца отъ вечера на западе на поли Иерихонскомъ. И ядоша отъ пшеницы земли оной опресноки и новая. Въ той день преста мánна, повнегда ядоша отъ пшеницы земли, и ктому бысть сыномъ Израїлевымъ мánны, но ядоша отъ плодѡвъ земли Финическїа въ лѣто оное. И бысть егда бѣше Иисусъ у Иерихона, и возрѣвъ очима своими, виде человека стояща предъ нимъ, и мечъ его обнаженъ въ руке его. И приступивъ Иисусъ, рече ему: нашъ ли еси, или отъ сопостáт

наших. Он же рече ему: аз Архистратиг силы Господни, ныне приидох (се́мо). И Иисус паде лицом своим на землю, и поклонися ему, и рече: Господи, что повелеваеши рабу твоему. И рече Архистратиг Господень ко Иисусу: иззуй сапог с ногу твоею, место бо, на немже ты стоиши, свято есть: и сотвори Иисус тако.

Диакон: Премудрость.

Чтец: Исхода чтение.

Диакон: Вонмем.

Чтец: Воздвигшися сынове Израилевы от Сокхофа, ополчшася во Офоме при пустыни. **Бог** же вождаше их в день убо столпом облачным, показати им путь: нощию же столпом огненным светити им. И не оскуде столп облачный во дни, и столп огненный нощию, пред всеми людьми. И рече Господь к Моисею, глаголя: рцы сыном Израилевым и обратившися да ополчатся прямо придворию, между Магдолом и между морем, прямо Веельсепфону: пред ними ополчшися при мори. И речет фараон людем своим о сынех Израилевых: заблуждают сии по земли, затвори бо их пустыня. Аз же ожесточу сердце фараоново, и поженет создай их: и прославлюся в фараоне, и во всем воинстве его, и уразумеют вси египтяне, яко Аз есмь Господь: и сотвориша тако. И возвещено бысть Царю Египетскому, яко бежаша людие. И превратися сердце фараоново, и рабов его на люди, и рекоша: что сие сотворихом, отпустивше сыны Израилевы, да не работают нам? Впряже убо фараон колесницы своя, и вся люди своя собра с собою. И поят шесть сот колесниц избранных, и вся кони Египетския, и тристаты над всеми. И ожесточи Господь сердце фараона царя Египетскаго, и рабов его, и погна создай сынов Израилевых: сынове же Израилевы исхождаху рукою высокою. И погнаша египтяне в след их, и обретоша их ополчившихся при мори: и вся кони и колесницы фараоновы и конницы, и воинство Его прямо придворию, противу Веельсепфона. И фараон приближашеся: воззревше же сынове Израилевы очима, видеша: и се египтяне ополчшася в след их: и убояшася зело, и возопиша сынове Израилевы ко Господу. И рекоша к Моисею: за еже не быти гробом во Египте, извел еси нас умертвити в пустыни: что сие сотворил еси нам, извед нас из Египта. Не сей ли быше глагол, егоже рекохом к тебе во Египте, глаголюще: остави нас, да работаем египтяном? Лучше бо быше нам работати египтяном, нежели умерети в пустыни сей. Рече же Моисей к людем: дерзайте, стойте, и зрите спасение еже от Господа, еже сотворит нам Днесь. Имже бо образом видесте египтян Днесь, не приложите ктому видети их в вечное время. Господь поборет по вас, вы же умолкните. И рече Господь к Моисею: что вопиеши ко Мне? Рцы сыном Израилевым, и да путешествуют. Ты же возми жезл твой, и простри руку твою на море, и расторгни е, и да внидут сынове Израилевы посреде моря по суху. И се Аз ожесточу сердце фараоново, и всех египтян, и внидут в след их, и прославлюся в фараоне, и во всем воинстве его, и в колесницах и в конех его. И уведят вси египтяне, яко Аз есмь Господь, егда прославлюся в фараоне, и в колесницах, и в конех Его. Взятся же Ангел Божий ходяй пред полком сынов Израилевых, и поиде создай их: взятся же и столп облачный от лица их, и ста создай их. И вниде посреде полка египетска, и посреде полка сынов Израилевых, и ста: и бысть тьма и мрак, и прииде ночь, и не смесшася друг с другом во всю ночь. Простре же Моисей руку на море: и возгна Господь море ветром южным сильным всю ночь, и сотвори море сушу, и

разступіся вода. И внидоша сынове Израїлевы посреде моря по сѹху: и вода им стена бысть одеснѹю, и стена ошѹюю. Погнаша же егїптяне, и внидоша в след их, и всяк конь фараонов, и колесницы, и всадники посреде моря. Бысть же в стражу ѹтреннюю, и воззрѣ Господь на полк Егїпетскій в столпѣ огненном и облачном, и смятѣ полк егїпетскій. И связа оси колесниц их, и ведяше их с нѹждею. И рекоша егїптяне: бежим от лица Израїлева, Господь бо побораѣт по них на егїптяны. И речѣ Господь к Моисею: простри руку твою на море, и да совокупїтся вода, и да покрѣет егїптяны, колесницы же и всадники. Прострѣ же Моисей руку на море, и устроїся вода ко дню на мѣсто: егїптяне же бежаша под водою: и истрясѣ Господь егїптяны посреде моря. И обратившися вода, покрѣ колесницы и всадники, и всю силу фараонову, вшедши в след их в море, и не оста от них ни едїн. Сынове же Израїлевы проидоша по сѹху посреде моря: вода же им стена (бысть) одеснѹю, и стена ошѹюю. И избави Господь Израїля в день он из руки Егїпетскія: и видеша сынове Израїлевы егїптян измѣрших при край моря. Виде же Израїль руку великую, яже сотворї Господь егїптяном: и убояшася людие Господа, и вероваша Бѹгу, и Моисею угоднику Его. Тогда воспе Моисей, и сынове Израїлевы песнь сию Господеву, и рекоша глаголюще:

Чтец глаголет: Поим Господеву:

Отверзаются Царскія врата.

Лик, во глас 5: Слѣвно бо прослѣвися:

Чтец к коемѹждо лику предлагаѹет стихи:

Коня и всадника вверже в море. Поим Господеву:

И поѹт на оба лика: Слѣвно бо прослѣвися.

Чтец: Помощник и покровитель бысть мне во спасѣние. Поим Господеву:

Лик: Слѣвно бо прослѣвися.

Чтец: Се мой Бог, и прослѣвлю Его, **Бог** Отца моего и вознесѹ Его. Поим Господеву:

Лик: Слѣвно бо прослѣвися.

Чтец: Господь сокрушаѹя брани, Господь Имя Ему. Колесницы фараоновы и силу его вверже в море. Поим Господеву:

Лик: Слѣвно бо прослѣвися.

Чтец: Избранныя всадники тристѹты потопї в Чермнѣм мори. Поим Господеву:

Лик: Слѣвно бо прослѣвися.

Чтец: Пучиною покрѣ их, погрязоша во глубинѣ яко камень. Поим Господеву:

Лик: Слѣвно бо прослѣвися.

Чтец: Десница Твоя, Господи, прослѣвися в крѣпости. Поим Господеву:

Лик: Слѣвно бо прослѣвися.

Чтец: Десная Твоя рука, Господи, сокрушї врагї, и множеством славы Твоея

стерл еси сопротивных. Поим Господеви:

Лик: Славно бо прославися.

Чтец: Послал еси гнев Твой, пояде я яко стеблие, и духом ярости Твоея разступися вода. Поим Господеви:

Лик: Славно бо прославися.

Чтец: Огустеша яко стена воды, огустеша и волны посреде моря. Поим Господеви:

Лик: Славно бо прославися.

Чтец: Рече враг: гнав постигну, разделю корысть, исполню душу мою, убью мечем моим, господствовать будет рука моя. Поим Господеви:

Лик: Славно бо прославися.

Чтец: Послал еси духа Твоего, покры я море: погрязоша яко олово в воде зельней. Поим Господеви:

Лик: Славно бо прославися.

Чтец: Кто подобен Тебе в бозех, Господи? Кто подобен Тебе? Прославлен во святых, дивен в славе творий чудеса. Поим Господеви:

Лик: Славно бо прославися.

Чтец: Простерл еси десницу Свою, пожре я земли. Наставил еси правдою Твоею люди Твоя сии, иже избавил еси. Поим Господеви:

Лик: Славно бо прославися.

Чтец: Утешил еси крепостию Твоею во обитель Святую Твою. Слышаша языцы, и прогневашася, болезни прияша живущии в Филистиме. Поим Господеви:

Лик: Славно бо прославися.

Чтец: Тогда потщашася Владыки Едомстии, и князи Моавитстии, прият я трепет: растаяша вси живущии в Ханаане. Поим Господеви:

Лик: Славно бо прославися.

Чтец: Да нападёт на ны страх и трепет: величием мышцы Твоея да окаменятся. Поим Господеви:

Лик: Славно бо прославися.

Чтец: Дондеже пройдут людие Твои, Господи, дондеже пройдут людие Твои сии, иже стяжал еси. Поим Господеви:

Лик: Славно бо прославися.

Чтец: Введ насади я в пору достояния Твоего, в готовое жилище Твое, еже соделал еси, Господи, святыню, Господи, юже уготовасте рuce Твои. Поим Господеви:

Лик: Славно бо прославися.

Чтец: Господь, Царствуяй веки, и на век, и ещё. Егда вниде конница

фараонова с колесницами и всадники в море: и наведе на них Господь воду морскую. Поим Господеви:

Лик: Славно бо прославися.

Чтец: Сынове же Израилевы проидоша сушею посреде моря. Поим Господеви:

Лик: Славно бо прославися.

Чтец: Слава Отцу, и Сыну, и Святому Духу. Поим Господеви.

Лик: Славно бо прославися.

Чтец: И ныне, и присно, и во веки веков. Аминь. Поим Господеви:

Лик: Славно бо прославися.

И последи чтец поет тойжде, един: Славно бо прославися.

Диакон: Премудрость.

Чтец: Пророчества Софониева чтение.

Диакон: Вонмем.

Царския врата закрываются.

Чтец: Тако глаголет Господь: потерпи Мене в день воскресения Моего, во свидетельство: зане суд Мой в сонмища языков еже прияти царей, еже излияти на ня гнев Мой, весь гнев ярости Моея: зане огнем рвения Моего поядена будет вся земля. Яко тогда обращу к людем язык в род его, еже призывати всем Имя Господне, работати Ему под игом едином. От конец рек Ефиопских прииму молящия Мя, в рассеянных Моих принесут жертвы Мне. В день он не имаши постыдиться от всех начинаний твоих, имиже нечествовал еси в Мя: яко тогда отыму от Тебе укоризны досаждения твоего, и ктому не имаши приложити величаться на горе святей Моей. И оставлю в тебе люди кротки и смиренны, и будут благоговети о Имени Господни. Останцы Израилевы, и не сотворят неправды, и не возглаголют суетных, и не обрящется во устех их язык лстив: Зане тии пожируют и угнездятся, и не будет устрашая их. Радуйся, дщи Сионова, зело, проповедуи, дщи Иерусалимова, веселися, и преукрашайся от всего сердца твоего, дщи Иерусалимля. Отъят Господь неправды Твоя, избавил тя есть из руки враг твоих; воцарится Господь посреде тебе и не узриши зла ктому.

Диакон: Премудрость.

Чтец: Царств третиих чтение.

Диакон: Вонмем.

Чтец: Бысть глагол Господень ко Илии, глаголя: востани, и иди в Сарепту Сидонскую, и пребуди тамо: се бо заповедах тамо жену вдовице препитати тя. И воста, и иде в Сарепту Сидонскую, и прииде ко вратом града: и се тамо жена вдова собираше дрова. И возопи Илия в след ея, и рече ей: принеси ныне ми мало воды в сосуде, и испию. И иде взяти, и возопи в след ея Илия, и рече ей: приими убо мне и укрух хлеба в руце своей, да ям. И рече жена: жив Господь Бог твой, аще есть у мене опреснок, но токмо горсть муки в водносе, и мало елеа в

чв́анце: и се аз соберу́ два полѣнца, и вни́ду, и сотворю́ е́ себѣ и дѣтем мо́им, и снѣмы́ е́, и у́мрем. И рече́ к ней Или́а: дерзай, вни́ди, и сотвори́ по глаго́лу тво́ему: но сотвори́ ми отту́ду опресно́к мал прѣжде, и принеси́ ми; себѣ же и чадо́м сво́им да сотвори́ши по́слежде. Я́ко та́ко глаго́лет Госпо́дь Бог Изра́илев: водоно́с мукы́ не оскуде́ет, и чва́нец е́леа не ума́лится до дне, до́ндеже даст Госпо́дь дождь на зѣмлю. И и́де жена́, и сотвори́ по глаго́лу Или́ину, и даде́ ему́, и яде́ той и та, и ча́да ея́. И от то́го дне водоно́с мукы́ не оскуде́, и чва́нец е́леа не ума́лился, по глаго́лу Госпо́дню, е́гоже глаго́ла руко́ю Или́иною. И бысть по сих, и разболе́ся сын жены́ госпожи́ до́му, и бе боле́знь е́го крепка́ зело́, до́ндеже не оста́ся в нем дух Е́го. И рече́ ко Или́и: что́ мне и тебѣ́, челове́че Бо́жий, вшел е́си ко мне воспомина́ти непра́вды мо́я, и умори́ти сы́на моего́? И рече́ Или́а к женѣ́: даждь ми сы́на твоего́: и взят е́го от нѣдра ея́, и вознесе́ е́го в го́рницу, иде́же сам почи́ваше, и положи́ е́го на одре́ сво́ем. И возопи́ Или́а ко Го́споду и рече́: увы́ мне, Го́споди, свидѣ́телю вдово́, у нея́же аз ны́не пребыва́ю. Ты озло́бил е́си, е́же умори́ти сы́на ея́. И ду́ну на о́трочища трѣ́жды, и призва́ Го́спода, и рече́: Го́споди, Бо́же мой, да возврати́тся у́бо ду́ша о́трочища се́го в онь, и бысть та́ко. И возопи́ о́трочищъ, и сведе́ е́го с го́рницы в дом, и даде́ е́го ма́тери е́го. И рече́ Или́а: виждь, жив сын твой. И рече́ жена́ ко Или́и: се уразумѣ́х, я́ко челове́к Бо́жий е́си ты, и глаго́л Госпо́день во у́стѣх тво́их и́стинен.

Диáкон: Премудрость.

Чтец: Проро́чества Иса́иина чтѣ́ние.

Диáкон: Во́ннем.

Чтец: Да возра́дуется ду́ша мо́я о Го́споде: облече́ бо мя в ри́зу спасѣ́ния, и оде́ждою весе́лия (оде́я мя) я́ко на жени́ха возложи́ на мя вене́ц, и я́ко невесту́ украси́ мя красо́тою. И я́ко зе́мля растя́щая цвет свой, и я́ко вертогра́д се́мена сво́я прозяба́ет: та́ко возра́стит Госпо́дь, Госпо́дь пра́вду, и весе́лие пред всѣ́ми язы́ки. Си́она ра́ди не умолчу́, и Иерусали́ма ра́ди не попу́щу, до́ндеже изы́дет я́ко свет пра́вда мо́я, и спасѣ́ние моѐ́ я́ко свети́ло разжже́тся. И у́зрят язы́цы пра́вду твою́, и ца́рие сла́ву твою́, и прозову́т тя и́менем но́вым, и́мже Госпо́дь наимену́ет е́. И бу́деши вене́ц добро́ты в руце́ Госпо́дни, и диа́дима Ца́рствия в руце́ Бо́га твоего́. И не прозове́шися ктому́ оставле́н, и зе́мля Тво́я ктому́ не нарече́тся пу́ста: тебѣ́ бо прозове́тся во́ля Мо́я, и зе́мля Тво́я вселе́нная: я́ко благово́ли Госпо́дь в тебѣ́, и зе́мля Тво́я вку́пе насели́тся. И я́коже живя́й ю́ноша с де́вою, та́ко поживу́т сы́нове твои́ с тобо́ю: и бу́дет я́коже раду́ется жени́х о невесте́, та́ко возра́дуется Госпо́дь о тебѣ́.

Диáкон: Премудрость.

Чтец: Бѣ́тия чтѣ́ние.

Диáкон: Во́ннем.

Чтец: Бысть по глаго́лех сих, **Бог** искуша́ше Авраа́ма, и рече́ ему́: Авраа́ме, Авраа́ме. И рече́: се аз. И рече́: поими́ сы́на твоего́ возлю́бленнаго, е́гоже возлю́бил е́си, Иса́ака, и иди́ на зе́млю вы́соку, и вознеси́ Е́го тамо́ во всесожже́ние, на еди́ну от гор, ихже́ ти реку́. Воста́в же Авраа́м у́тро, оседла́ осля́ своѐ. По́я́т же с собо́ю два о́трочища, и Иса́ака сы́на своего́, и растни́в дрова́ во всесожже́ние, воста́в и́де и прии́де на ме́сто, е́же рече́ ему́ Бог, в тре́тий день. И возрэв́ Авраа́м очима́ сво́има, ви́де ме́сто изда́лече. И рече́ Авраа́м отро́ком

своим: сядите zde со ослятем, аз же и дѣтищ пойдѣм до онде, и поклонившеся возвратимся к вам. Взя же Авраам дровѣ всесожжѣния и возложѣ на Исаака сына своего: взя же в руки и огонь и нож, и идоста оба вкупе. Рече же Исаак ко Аврааму Отцу своему: отче; он же рече: что есть чадѣ? Рече же: се огонь и дровѣ, гдѣ есть овчѣ еже во всесожжѣние. Рече же Авраам: Бог узрит Себе овчѣ во всесожжѣние, чадѣ. Шедше же оба вкупе, приидоста на мѣсто, еже рече ему Бог: и созда тамо Авраам жертвенник, и возложѣ дрова: и связав Исаака сына своего, возложѣ его на жертвенник верху дров. И прострѣ Авраам руку свою взяти нож, заклѣти сына своего. И воззва и Ангел Господень с небесѣ, и рече: Аврааме, Аврааме. Он же рече: се аз. И рече: да не возложиши руки твоея на отрочища, ниже да сотвориши ему что: ныне бо познах, яко бойшися ты Бога, и не пощадѣл еси сына твоего возлюбленнаго Мене ради. И возрѣв Авраам очима своимѣ, виде: и се овен един держимый рогами в сѣде Савѣк. И иде Авраам, и взя овна, и вознесѣ его во всесожжѣние, вмѣсто Исаака сына своего. И нарече Авраам имя мѣсту тому: Господь виде. Да рекут Днесь: на горѣ Господь явился. И воззва Ангел Господень Авраама вторичею с небесѣ, глаголя: Мною Самѣм кляхся, глаголет Господь, Егѣже ради сотворил еси глагол сей, и не пощадѣл еси сына твоего возлюбленнаго Мене ради. Воистинну благословя благословлю тя, и умножая умножу сѣмя твое, яко звѣзды небесныя, и яко песокъ вскрай моря: и наследит сѣмя твое грады супостатов. И благословятся о семени твоѣм все языцы земнии, занеже послушал еси гласа Моего.

Диакон: Премудрость.

Чтец: Пророчества Исаиина чтѣние.

Диакон: Вѣнем.

Чтец: Дух Господень на мене, егѣже ради помаза мя, благовѣстити нищим посла мя, исцѣлити сокрушенныя сердцем, проповѣдати пленникомъ отпущѣние, и слѣпымъ прозрѣние. Нарещи лето Господне приятно и деньъ воздаяннѣ, утѣшити вся плачущыя. Дати плачущымъ Сиѣна славу вмѣсто пѣпела, помазание весѣлие плачущымъ, украшѣние славы вмѣсто духа уныннѣ: и нарекутся родѣ правды, насаждѣние Господне в славу. И созиждутъ пустыни вѣчныя, запустѣвшыя прежде воздвигнутъ, и обновятъ грады пустыя, опустошенныя в роды. И приидутъ инороднии, пасущи овцы твоѣ, и иноплемѣнницы оратели, и виноградари ваши. Вы же священницы Господни наречѣтеся, служителие Бога вашего, речѣтсѣ вамъ: крѣпость языкъ снѣсте и в богѣтствѣ ихъ чюдни будете. Сѣце землю свою вторичею наследятъ, и весѣлие вѣчное над главою ихъ. Азъ бо есмь Господь, любяй правду и ненавидяй грабленнѣ от неправды: и дамъ трудъ ихъ праведникомъ, и заветъ вѣченъ завещаю имъ. И познается во языцехъ сѣмя ихъ, и внуцы ихъ посреди людѣй: всякъ видяй я, познаетъ я, яко сѣи суть сѣмя благословенное от Бога, и радостию возрадуются о Господѣ.

Диакон: Премудрость.

Чтец: Царствъ четвертыхъ чтѣние.

Диакон: Вѣнем.

Чтец: Бысть во единъ день, и прѣиде Елиссѣй в Сомѣн, и ту женѣ велия, и удержѣ его снѣсти хлѣба, и бысть ему входити, и исходить множицею, и уклоняшеся тамо ясти хлѣба. И рече женѣ к мужу своему: се ныне разумѣхъ, яко

человѣк Божій свят сей мимо ходит нас присно. Сотворимъ убо ему горницу, место мало, и поставимъ ему тамо одр, и трапѣзу, и престолъ, и свѣщникъ: и будетъ внигда входить ему к нам, и уклоняется тамо. И бысть во единъ день, и вниде тамо, и уклонися в горницу, и спа тамо. И рече ко Гиезю отрочищу своему: призови ми соманитяныню сию. И призвѣ ю, и ста предъ нимъ. И рече ему: рцы убо ей, се удивила еси нас всемъ попечениемъ симъ, что подобаетъ сотворити тебѣ? Аще есть тебѣ слово к царю, или ко князю силы; она же рече: (нестъ) посреде людей моихъ аз есмь живущи. И рече ко Гиезю: что подобаетъ сотворити ей? И рече Гиезий отрочищъ его: воистинну сына несть у нея, и муж ея стар. И рече: призови ю. И призвѣ ю, и ста при двѣрехъ. И рече Елиссей к ней: во время сие, якоже час сей, живущи ты зачнешь сына. Она же рече: ни, господине, не солжи рабѣ твоей. И зачат во чреве женѣ, и роди сына во время сие, якоже час сей живущи, якоже глагола к ней Елиссей. И возмужа отрочищъ: и бысть, егда изыде ко отцу своему, к жнущимъ, и рече ко отцу своему: глава моя, глава моя (болитъ). И рече ко отроку: неси его к матери его. И несе его к матери его, и лежаше на колѣну ея до полудни, и умре. И вознесе его, и положи его на одрѣ человека Божия: и затвори его, и изыде, и призвѣ мужа своего, и рече ему: Посли ми убо единаго от отрокъ, и едино от ослѣтъ, и теку до человека Божия, и возвращуся. И рече: что яко ты идешь к нему Днесъ? Не новъ мѣсяцъ, ниже суббота. Она же рече, мир. И оседла ослѣ, и рече ко отрочищу своему: веди, и иди, да не удержиши мене, еже всѣсти, якоже реку тебѣ. Гряди и иди, и прииди к человеку Божию на гору Кармилъскую. И иде, и прииде до человека Божия в гору Кармилъскую. И бысть яко вниде ю Елиссей грядущую, и рече к Гиезю отрочищу своему: се убо соманитяныня она! Ныне тецы в срѣтение ея и речеши ей: мир ли тебѣ? И тече во срѣтение ей и рече ей: мир ли тебѣ? Мир ли мужу твоему? Мир ли отрочищу твоему; она же рече, мир. И прииде к Елиссею на гору, и ятсѣ за нозе Его: и приблизися Гиезий отринути ю. И рече Елиссей: остави ю, яко душа ея болѣзненна в ней, и Господь укрѣи от Мене, и не возвести мене. Она же рече: еда просихъ сына у господина моего? Яко рекохъ: не прельсти мене. И рече Елиссей ко Гиезю: препояши чресла твоѣ, и возми жезлъ мой в рѣцѣ твоѣ и иди, яко аще обрящещи мужа, да не благословивши его, и аще благословитъ тя мужъ, не отвѣщай ему; и возложи жезлъ мой на лице отрочища. И рече мати отрочища: жив Господь, и жива душа твоѣ, аще оставлю тебѣ. И воста Елиссей, и иде в следъ ея. И Гиезий иде предъ нею, и возложи жезлъ на лице отрочища, и не бе гласа, и не бе слышания. И возвратися в срѣтение его, и повѣда ему, глаголя: не воста отрочищъ. И вниде Елиссей в храмину, и се отрочищъ умерый положенъ на одрѣ его. И вниде Елиссей в домъ, и затвори дверь за двою собою, и помолися Господу. И възиде, и ляже на отрочищи, и положи уста своя на устѣхъ его, и очи свои на очи его, и рѣцѣ свои на рѣцѣ его, и плесне свои на плеснѣ его: и слячѣся надъ нимъ, и дуну на него, и согрѣяся плоть отрочища. И обратися, и походи в храмине сѹду и сѹду: и възиде, и слячѣся надъ отрочищемъ седмѣжды: и отвѣрзе отрочищъ очи свой. И возопи Елиссей ко Гиезю и рече: призови ми соманитяныню сию. И призвѣ ю, и вниде к нему, и рече Елиссей: приими сына твоего. И вниде женѣ, и падѣ на ногу его, и поклонися ему до земли: и прият сына своего, и изыде.

Диáкон: Премудрость.

Чтец: Пророчества Исаиина чтѣние.

Диáкон: Вѣнчание.

Чтец: Та́ко глаго́лет Госпо́дь: где Возведый от земли па́стыря овец Свои́х? где есть Вложивый в них Ду́ха Свята́го? Возведшая десницею Моисе́а мы́шца сла́вы Его́, раздели́ во́ду пред ли́цем его́, сотвори́ти Ему́ И́мя вечно́. Проведé их сквозé бездну́, я́коже коня́ сквозь пусты́ню, и не утрудíшася. И я́ко скоты́ по по́лю, и снiде Ду́х от Го́спода и наста́ви их: та́ко провёл еси́ лю́ди Твоя́, сотвори́ тебе́ самому́ И́мя сла́вно. Обратiся, Го́споди, от небесé, и виждь от до́му свята́го Твоего́ и сла́вы Твоея́: где есть ре́вность Твоя́ и крéпость Твоя́? Где есть мно́жество ми́лости Твоея́, и щедро́т Твои́х, я́ко терпéл еси́ нам. Ты бо еси́ Оте́ц наш, понéже Авраа́м не увéде нас, и Изра́иль не позна́ нас: но Ты, Го́споди, Оте́ц наш, изба́ви ны; испéрва И́мя Твое́ на нас есть. Чтó уклонíл еси́ нас, Го́споди, от путí Твоего́, и ожесточíл еси́ сердца́ на́ша, е́же не боя́ться Тебе́? Обратiся ра́ди раб Твои́х, ра́ди пле́мен достоя́ния Твоего́. Да (понé) мало́ наслéдим горы свята́я Твоея́. Проти́вницы на́ши попра́ша святи́ню Твою́. Быхом я́ко испéрва, егда́ не владе́л еси́ на́ми, ниже́ бе нарече́нно И́мя Твое́ на нас. А́ще отве́рзеши не́бо, трéпет прии́мут от Тебе́ го́ры и раста́ют. Я́ко тает воск от лица́ огня́, и попа́лит огонь супоста́ты и я́влено бу́дет и́мя Твое́ в сопроти́вных Твои́х: от Ли́ца Твоего́ язы́цы возмату́тся, егда́ сотвори́ши сла́вная трéпет прии́мут от Тебе́ го́ры. От ве́ка не слы́шахом ниже́ о́чи на́ши ви́деша Бо́га, разве Тебе́, и дела́ Твоя́, я́же сотвори́ши ждущим ми́лости. Ми́лость бо сря́щет творя́щих правду, и путí Твоя́ помяну́тся.

Диáкон: Прему́дрость.

Чтец: Проро́чества Иере́мьи́на чтéние.

Диáкон: Во́ннем.

Чтец: Та́ко глаго́лет Госпо́дь: се дни́е гряду́т, и завеща́ю до́му Изра́илеву, и до́му Иу́дину завет нов: Не по завету́, егóже завеща́х отце́м их, в день, во́ньже ёмшу Ми за руку́ их, известí я от земли́ Егíпетския, я́ко тii не пребы́ша в завете́ Моём, и Аз небрего́х их, глаго́лет Госпо́дь. Я́ко сей завет, егóже завеща́ю до́му Изра́илеву, по днех о́них, глаго́лет Госпо́дь: дая зако́ны Моя́ в мысли их, и на сердца́х их напишу́ я, и буду́ им в Бо́га, и тii бу́дут Ми в лю́ди. И не научíт кийждо́ бли́жняго своего́ и кийждо́ брата́ своего́, глаго́ля: познай Го́спода, я́ко вси позна́ют Мя от мала́ да́же и до вели́каго их: я́ко ми́лостив буду́ неправда́м их, и грехо́в их не помяну́ ктому́.

Диáкон: Прему́дрость.

Чтец: Проро́чества Дании́лова чтéние.

Диáкон: Во́ннем.

Чтец: В ле́то осмонадесятое Навуходонóсор царь сотвори́ тело́ зла́то, высота́ его́ лакте́й шестидесяти, и широта́ его́ лакте́й шести́: и поста́ви е на по́ли Де́ире, во стране́ Вавило́нстей. И посла́ (Навуходонóсор царь) собра́ти ипа́ты, и воево́ды, и местонача́льники, вожди́ же и мучи́тели, и су́щия на власте́х. И вся кня́зи стран, прии́ти на обновле́ние куми́ра, егóже поста́ви Навуходонóсор царь. И собра́шася местонача́льницы, ипа́ты, воево́ды, вожди́, мучи́тели вели́цы, íже над власте́ми, и вси нача́льницы стран, на обновле́ние тела́, е́же поста́ви Навуходонóсор царь: и ста́ша пред теле́м, е́же поста́ви Навуходонóсор царь. И пропове́дник вопи́яше с крéпостию: вам глаго́лется, наро́ди, лю́дие, племена́, язы́цы. В о́ньже час а́ще услы́шите глас трубы́, свирéли же и гу́сли, самви́ки же и

псалтіри, и согласія, и всякаго рода мусикійска, падающе покланяйтесь телу златому, еже постави Навуходоносор царь. И иже аще не пад поклонится, в той час ввержен будет в печь огнем горящую. И бысть егда услышаша людие глас трубы, свирели же и гусли, самвики же и псалтіри, и согласія, и всякаго рода мусикійскаго, падающе вси людие, племена, языцы, покланяхуся телу златому, еже постави Навуходоносор царь. Тогда приступиша мужие халдейстии и оболгаша иудеев, отвещавше реша Навуходоносору цареву: царю, во веки живи. Ты, царю, положил еси повеление, да всяк человек, иже аще услышит глас трубы, свирели же и гусли, самвики же и псалтіри, и согласія, и всякаго рода мусикійска, и не пад поклонится телу златому, ввержен будет в печь огнем горящую. Суть убо мужи иудее, ихже поставил еси над делы страны вавилонския, Седрах, Мисах и Авденаго, иже не послушаша заповеди твоея, царю, и богом твоим не служат, и телу златому, еже поставил еси, не покланяются. Тогда Навуходоносор в ярости и гнѣве рече привести Седраха, Мисаха и Авденаго: и приведени быша пред царя. И отвеща Навуходоносор, и рече им: аще воистинну, Седрах, Мисах и Авденаго, богом моим не служите, и телу златому, еже поставих, не покланяетесь. Ныне убо аще есте готови, да егда услышите глас трубы, свирели же и гусли, самвики же и псалтіри, и согласія, и всякаго рода мусикійскаго, падше поклонитесь телу златому, еже сотворих. Аще же не поклонитесь, в той час ввержени будете в печь огнем горящую: и кто есть Бог, Иже измет вы из руки моея? И отвещаша Седрах, Мисах и Авденаго, глаголюще царю Навуходоносору: не трѣбе нам о глаголе сем отвещати тебе. Есть бо Бог наш на Небесех, Емуже мы служим, силен изъяти нас от пещи огнем горящая, и от руку твоею избавити нас, царю. Аще ли ни, ведомо да будет тебе, царю, яко богом твоим не служим, и телу златому, еже поставил еси, не кланяемся. Тогда Навуходоносор исполнися ярости, и зрак лица его изменися на Седраха, Мисаха и Авденаго, и рече: разжгите печь седмерицею, дондеже до конца разгорится. И мужем сильным крепостию рече: оковавше Седраха, Мисаха и Авденаго, вверзите в печь огнем горящую. Тогда мужие онии оковани быша с гащами своими, и покрывалы, и сапогми, и со одеждами своими, и ввержени быша посреде пещи огнем горящая. Понеже глагол царев превозможе, и печь разжжена бысть преизлишше: и мужей оных, иже ввергоша Седраха, Мисаха и Авденаго, уби пламень огненный. И мужие тии трие, Седрах, Мисах и Авденаго, падоша посреде пещи огнем горящая оковани. И хождяху посреде пламене поюще Бога, и благословяще Господа. И став с ними Азариа помолися сие, и отверз уста своя посреде огня, рече: Благословен еси, Господи, Боже отец наших, хвально и прославлено Имя Твое во веки. Яко праведен еси о всех яже сотворил еси нам и вся дела Твоя истинна, и прави пути Твой, и вси суди Твой истинны. И судьбы истинны сотворил еси по всем, яже навел еси на ны, и на град Святыи отец наших, Иерусалим: яко истиною и судом навел еси сия вся на ны **грех** ради наших. Яко согрешихом и беззаконновахом отступивше от Тебе, и прегрешихом во всех. И заповедей Твоих не послушахом, ниже соблюдохом, ниже сотворихом, якоже заповедал еси нам, да благо нам будет. И вся, елика сотворил еси нам, и вся, елика навел еси на ны, истинным судом сотворил еси. И предал еси нас в руки врагов беззаконных, мерзких отступников: и царю неправедну, и лукавнейшу паче всея земли. И ныне несть нам отверсти уст, студ и поношение быхом рабом Твоим, и чтущим Тя. Не предаждь убо нас до конца Имене Твоего ради, и не разори Завета Твоего, и не отстави милости Твоея от нас, Авраама

ради возлюбленнаго от Тебѣ, и за Исаака раба Твоего, и Израиля Святаго Твоего. Имже глагола еси умножити семя их, яко звезды небесныя, и яко песокъ вскрай моря. Яко, Владыко, умалихомся паче всехъ языкъ, и есмы смиренни по всей земли. Днесь **грех** ради нашихъ. И несть во время сие князя, и пророка, и вождя: ниже всесожжения, ниже жертвы, ниже приношения, ниже кадила, ни места, еже пожрети предъ Тобою. И обрести милость: но душею сокрушенною и Духомъ смиреннымъ, да прияты будемъ. Яко во всесожженияхъ овнихъ и юнчихъ, и яко во тмахъ агницъ тучныхъ: тако да будетъ жертва наша предъ Тобою Днесь, и да совершится по Тебѣ, яко несть студа уповающимъ на Тя. И ныне возслѣдуемъ всемъ сердцемъ, и боимся Тебѣ, и ищемъ лица Твоего. Не посрами насъ, но сотвори с нами по кротости Твоей, и по множеству милости Твоея. И изми насъ по чудесамъ Твоимъ, и даждь славу Имени Твоему, Господи. И да посрамятся вси являющии рабомъ Твоимъ злая, и да постыдятся отъ всякия силы, и крепость ихъ да сокрушится. И да разумѣютъ, яко Ты еси Господь **Богъ** единъ, и славенъ по всей вселенней. И не престаша, ввергшии ихъ, слуги царевы жгуще пещь наффою и смолою, и изгребми и хвратиемъ. И разливашеся пламень надъ пещию на лактии чотыредесять девять. И обыде и пожже, ихже обрете окрест пещи халдейския. Ангелъ же Господень сниде купно съ сущими со Азариею в пещь. И отрясе пламень огненный отъ пещи. И сотвори среднее пещи яко духъ росы шумящъ и не прикоснуся ихъ отнюдъ огонь, и не оскорби, ниже стужи имъ. Тогда ти три елика яко едиными усты пояху, и благословляху, и славляху Бога в пещи, глаголюще: Благословенъ еси, Господи, Боже отецъ нашихъ, и препетый и превозносимый во веки, и благословено Имя славы Твоея святое, и препетое и превозносимое во веки. Благословенъ еси в храме Святыя славы Твоея, и препетый и превозносимый во веки. Благословенъ еси видяй бездны, седый на Херувимехъ, и препетый и превозносимый во веки. Благословенъ еси на престолѣ славы Царствия Твоего, и препетый и превозносимый во веки. Благословенъ еси на тверди Небесней, и препетый, и превозносимый во веки.

Зде же востаютъ и поютъ на оба лика.

Чтецъ: Господа пойте и превозносите во вся веки.

Ликъ тожде: Господа пойте и превозносите во вся веки.

Чтецъ же глаголетъ стихъ порядку:

Благословите, вся дела Господня.

Ликъ: Господа, пойте и превозносите Его во веки. **Чтецъ:** Благословите, Ангели Господни.

Ликъ: Господа, пойте и превозносите Его во веки.

Чтецъ: Благословите, Небеса.

Ликъ: Господа, пойте и превозносите Его во веки.

Чтецъ: Благословите, воды вся, яже превыше небесъ.

Ликъ: Господа, пойте и превозносите Его во веки.

Чтецъ: Благословите, вся Силы Господни,

Ликъ: Господа, пойте и превозносите Его во веки.

Чтец: Благословите, солнце и луна.

Лик: Господа, пойте и превозносите Его во веки.

Чтец: Благословите, звезды небесныя.

Лик: Господа, пойте и превозносите Его во веки.

Чтец: Благословите, всяк дождь и роса.

Лик: Господа, пойте и превозносите Его во веки.

Чтец: Благословите, вси дуси.

Лик: Господа, пойте и превозносите Его во веки.

Чтец: Благословите, огонь и вар.

Лик: Господа, пойте и превозносите Его во веки.

Чтец: Благословите, студь и зной.

Лик: Господа, пойте и превозносите Его во веки.

Чтец: Благословите, росы и иней.

Лик: Господа, пойте и превозносите Его во веки.

Чтец: Благословите, нощи и дние.

Лик: Господа, пойте и превозносите Его во веки.

Чтец: Благословите, свет и тьма.

Лик: Господа, пойте и превозносите Его во веки.

Чтец: Благословите, лед и мраз.

Лик: Господа, пойте и превозносите Его во веки.

Чтец: Благословите, сланы и снѣзи.

Лик: Господа, пойте и превозносите Его во веки.

Чтец: Благословите, молния и облацы.

Лик: Господа, пойте и превозносите Его во веки.

Чтец: Да Благословит земля.

Лик: Господа, да поет и превозносит Его во веки.

Чтец: Благословите, горы и холми

Лик: Господа, пойте и превозносите Его во веки.

Чтец: Благословите, вся прозябающая на земли.

Лик: Господа, пойте и превозносите Его во веки.

Чтец: Благословите, источники.

Лик: Господа, пойте и превозносите Его во веки.

Чтец: Благословите, моря и реки.

Лик: Господа, пойте и превозносите Его во веки.

Чтец: Благословíte, кíti и вся двíжущаяся в водах.

Лик: Гóспода, пóйте и превозносите Егó во вéки.

Чтец: Благословíte, вся птíцы небéсных.

Лик: Гóспода, пóйте и превозносите Егó во вéки.

Чтец: Благословíte, звéрие и вси скóти.

Лик: Гóспода, пóйте и превозносите Егó во вéки.

Чтец: Благословíte, сынове челове́чести.

Лик: Гóспода, пóйте и превозносите Егó во вéки.

Чтец: Да благословít Израíль.

Лик: Гóспода, пóйте и превозносите. Егó во вéки.

Чтец: Благословíte, иереи Госпóдни.

Лик: Гóспода, пóйте и превозносите Егó во вéки.

Чтец: Благословíte, рабí Госпóдни.

Лик: Гóспода, пóйте и превозносите Егó во вéки.

Чтец: Благословíte, дуси и дúшы пра́ведных.

Лик: Гóспода, пóйте и превозносите Егó во вéки.

Чтец: Благословíte, преподóбнии и смире́ннии сéрдцем.

Лик: Гóспода, пóйте и превозносите Егó во вéки.

Чтец: Благословíte, Анания, Азариа и Мисаил.

Лик: Гóспода, пóйте и превозносите Егó во вéки.

Чтец: Благословíte, апóстоли, проро́цы и мúченицы Госпóдни.

Лик: Гóспода, пóйте и превозносите Егó во вéки.

Чтец: Благословím Отца́, и Сы́на, и Свята́го Дúха.

Лик: Гóспода, поем и превозно́сим Егó во вéки.

Чтец: И ны́не, и прíсно, и во вéки веко́в. Ами́нь.

Лик: Гóспода пóйте и превозносите Егó во вéки.

Чтец: Хвалим, благословím, поклоняемся Гóсподеви.

Лик: Пою́ще и превознося́ще во вся вéки.

Та́же ектениа́ ма́лая: Па́ки и па́ки:

Иерей Возглас: Я́ко Свят еси́, Бо́же наш, и Тебе́ сла́ву возсыла́ем Отцу́, и Сы́ну, и Свято́му Дúху, ны́не и прíсно.

Диáкон: И во вéки веко́в.

Лик: Ами́нь.

Та́же вме́сто Трисвята́го:

Ели́цы во Христа́ крестíстеся: **на óба ли́ка.**

Лик первый: Елицы во Христа креститесь, во Христа облекостесь. Аллилуиа.

Лик второй: Елицы во Христа креститесь:

Лик первый: Елицы во Христа креститесь:

Лик второй: Слава, и ныне: Во Христа облекостесь. Аллилуиа.

Лик первый: Елицы во Христа креститесь:

Таже диакон: Вонмем.

Священник: Мир всем.

Чтец: И духови твоему.

Диакон: Премудрость.

Чтец: Прокимен, глас пятый: Вся земля да поклонится Тебе и поет Тебе, да поет же Имени Твоему, Вышний.

Лик: Вся земля да поклонится Тебе:

Чтец, стих: Воскликните Господеви вся земля, пойте же Имени Его.

Лик: Вся земля да поклонится Тебе:

Чтец: Вся земля да поклонится Тебе и поет Тебе.

Лик: Да поет же Имени Твоему, Вышний.

Диакон: Премудрость.

Чтец: К Римляном послания Святаго апостола Павла чтение.

Диакон: Вонмем.

Чтец: Братие, елицы во Христа Иисуса крестихомся, в **смерть** Его крестихомся. Спогребохомся убо Ему крещением в смерть: да якоже воста Христос от мертвых славою Отчею, тако и мы во обновлении жизни ходити начнем. Аще бо сообразни быхом подобию смерти Его, то и Воскресению будем. Сие ведяще, яко ветхий наш человек с Ним распялся, да упразднится тело греховное, яко кому не работати нам греху. Умерый бо, оправдися от греха. Аще ли умрохом со Христом, веруем, яко и живи будем с Ним. Ведяще, яко Христос воста от мертвых, кому уже не умирает: смерть Ему кому не обладает. Еже бо умре, греху умре единою: а еже живёт, Богу живёт. Такожде и вы помышляйте себе, мертвым убо быти греху, живым же Богу: о Христе Иисусе Господе нашем.

Священник: Мир ти.

Чтец: И духови твоему.

И глаголет чтец вместо Аллилуиа, на глас 7: Воскресни, Боже, суди земли, яко Ты наследииши во всех языцех.

Лик поёт: Воскресни, Боже, суди земли, яко Ты наследииши во всех языцех.

Чтец: Бог ста в сонме богов, посреде же боги разсудит.

Лик: Воскресни, Боже, суди земли:

Чтец: Доколе судите неправду, и лица грешников приемлете?

Лик: Воскресни́, Бо́же, суди́ земли:

Чтец: Судите́ си́ру и убо́гу, смире́нна и ни́ща оправда́йте.

Лик: Воскресни́, Бо́же, суди́ земли:

Чтец: Изми́те ни́ща и убо́га, из ру́ки грѣшници изба́вите его́.

Лик: Воскресни́, Бо́же, суди́ земли:

Чтец: Не позна́ша, ниже́ уразуме́ша, во тьме хо́дят.

Лик: Воскресни́, Бо́же, суди́ земли:

Чтец: Да подви́жятся вся основа́ния земли́. Аз рех: бо́зи естѣ, и сы́нове Вы́шняго вси. Вы же я́ко челове́цы умира́ете и я́ко еди́н от князе́й па́даете.

Лик: Воскресни́, Бо́же, суди́ земли:

Чтец: Воскресни́, Бо́же, суди́ земли́.

Лик: Я́ко Ты насле́диши во всех язы́цах.

Тогда́ иере́и и диа́кони извлека́ются че́рных одежд и облача́ются в бе́лыя.

По облаче́нии же исхо́дит диа́кон со Ева́нгелием на амво́н и возглаша́ет:

Благослови́, Влады́ко, благовести́теля свята́го апо́стола и ева́нгелиста Матфе́а.

Свяще́нник, знамену́я Его́, глаго́лет:

Бо́г, моли́твами Свята́го сла́внаго и всехва́льнаго апо́стола и ева́нгелиста Матфе́а, да даст тебе́ глаго́л благовеству́ющему си́лою мно́гою, во исполне́ние Ева́нгелиа возлю́бленнаго Сы́на Своего́ Го́спода на́шего Иису́са Хри́ста.

Диа́кон: Ами́нь.

Свяще́нник: Прему́дрость, прости́, услы́шим Свята́го Ева́нгелиа. Мир всем.

Лик: И ду́хови твоemú.

Диа́кон: От Матфе́а Свята́го Ева́нгелиа чтѣние. (Зачало 115).

Лик: Сла́ва Тебе́, Го́споди, сла́ва Тебе́.

Свяще́нник: Во́нмем.

Диа́кон: В ве́чер суббо́тный, свита́ющи во еди́ну от суббо́т, прии́де Мари́а Магдали́на и другая Мари́а, ви́дети гроб. И се трус бысть ве́лий: а́нгел бо Го́споде́нь сше́д с небесе́, присту́пль отвали́ ка́мень от двéрий гроба́ и сядя́ше на нем. Бе же зрак его́ я́ко мо́лния и оде́яние его́ бело́ я́ко снег. От стра́ха же его́ сотрясо́шася стрегу́щии и бы́ша я́ко ме́ртвии. Отвеща́в же а́нгел рече́ жена́м; не бо́йтесь вы, вем бо, я́ко Иису́са распя́таго и́щите. Нестъ́ зде: воста́ бо, я́коже рече́. Прии́дите, ви́дите ме́сто, иде́же лежа́ Го́спо́дь. И ско́ро шедше́ рцы́те ученико́м Его́, я́ко воста́ от ме́ртвых, и се ва́ряет вы в Галиле́и: та́мо Его́ у́зрите, се Рех вам. И изше́дше́ ско́ро от гроба́, со стра́хом и ра́достию ве́лиею, текóсте возвестíti ученико́м Его́. Я́коже идя́сте возвестíti ученико́м Его́. И се Иису́с сре́те я́, глаго́ля: ра́дуйтесь. Оне́ же присту́плыше, я́стеся за но́зе Его́, и поклони́стеся Ему́. Тогда́ глаго́ла́ има́ Иису́с: не бо́йтесь, идите́, возвестите́ бра́тии Моéй, да и́дут в Галиле́ю, и ту Мя ви́дят. Иду́щема́ же има́, се не́цыи от кусто́диа

пришедше во град, возвестиша архиерéом вся бѣвшая. И собравшеся со старцы совет сотвориша, сребреники довольны даша воином, глаголюще: рцыте, яко ученицы Его ноцию пришедше украдоша Его, нам спящим. И аще сие услышано будет у игемона, мы утолим его и вас безпечальны сотворим. Они же приемше сребреники, сотвориша якоже научени быша. И промчеса слово сие во иудеех, даже до сего дне. Единии же надесеяте ученицы идоша в Галилею, в гору, аможе повеле им Иисус. И видевше Его поклонишася Ему: ови же усумнѣшася. И приступль Иисус рече им, глаголя: дадеся Ми всяка власть на Небеси и на земли. Шедше убо научите вся языки, крестяще их во Имя Отца, и Сына, и Святаго Духа. Учаще их блюсти вся, елика заповѣдах вам. И се Аз с вами есмь во вся дни, до скончания века. **Аминь.**

Лик: Слава Тебѣ, Господи, слава Тебѣ.

И по чину божественная литургия Великаго Василия. Вместо же херувимския песни поется настоящий тропарь, глас 8:

Да молчит всякая плоть человеча, и да стоит со страхом и трепетом, и ничтоже земное в себе да помышляет: Царь бо Царствующих и Господь господствующих приходит заклатися и датися в снедь верным. Предходят же сему лица Ангельстии со всяким Началом и Властью, многоочитии Херувими и шестокрилатии Серафими, лица закрывающе и вопиюще песнь: Аллилуиа, Аллилуиа, Аллилуиа.

Вместо Достойно: Не рыдай Мене, Мати, зрящи во гробе, Егоже во чреве без семени зачала еси Сына: востану бо и прославлюся, и вознесу со славою непрестанно яко Бог, верою и любовью Тя величающих.

Причастен, глас 4: Воста яко спя Господь, и воскресе, спасаая нас. Аллилуиа. (Трижды).

И обычный отпуст.

◀ Служба во Святую и
Великую Пятницу

★★★★☆ 4.8 / 17

CACKLE



Оставьте свой комментарий...



Новые



КОММЕНТАРИИ ДЛЯ САЙТА CACKLE